

صاحبة السيادة

رواية

بطاقة الكتاب:

اسم الكتاب: صاحبة السيادة

اسم المؤلف: رضوى العوضي

نوع الكتاب: رواية

عدد الصفحات: ١٣٠ صفحة

المقاس: 14 x 20

رقم إيداع: ٢٠٢١/٠٩١٧٢

الترقيم الدولي: 978-977-6736-73-3

الطبعة: الأولى، ٢٠٢١ م

للتواصل والطلب من داخل أو خارج مصر:

00201033966291-00201129195867

أقر المؤلف بأنه وحده صاحب الحقوق الفكرية للكتاب، وأنه يضمن للناشر عدم التعرض من الغير بخصوص الملكية الفكرية، كما صرح أن هذا الكتاب ليس في مضمونه ما يمنعه القانون، وأن الآراء والأفكار التي يتضمنها محتوى الكتاب تعبر عن فكر المؤلف فقط ولا يعبر عن رأى الناشر، ولا يوجد داخل الكتاب نقل أو استعارة بما قد يعرض الناشر للمسؤولية القانونية.

صاحبة السيادة

رواية

رضوى العوضي

2021

الدار المصرية السودانية الإماراتية للنشر والتوزيع

رئيس مجلس الإدارة

أ/ مها المقداد

المدير التنفيذي

أ/ عماد ممدوح

الإخراج الفني

أ/ حسن عزت

المراجعة اللغوية

د / نعمة عاشور

الإهداء

مفيش إهداء..

لأن أحداث رواية "صاحبة السيادة"
ليس لها أي علاقة بالواقع وجميع
شخصيات القصة من وحي خيالي..
بس ده ميمنعش أبدا إن اللي على راسه
بطحته.. يحسس عليها.

من أمام محكمة الحق والعدالة بمبنى دار القضاء العالي وعلى سلم المحكمة المزدحمة بمجموعة من الصحفيين والمصورين والمراسلين، الذين يلتفون حول المحامية الشابة الجميلة "سالي الحلواني"، سالي في العقد الثلاثين من العمر تقف على سلالم المحكمة بعد خروجها من القاعة، يتهاافت عليها الصحفيون بصوت عالٍ.

الصحفيون: أستاذة سالي.. (تقاطعهم سالي الحلواني بسرعة قائلة): حاضر.. حاضر هجاوب على أسئلتكم كلها.. (يخرج من وسط الصحفيين صحفي بصوت عالٍ غليظ قائلاً): أستاذة سالي هل مقتل النائبة هدى منير على يد متطرف من الجماعة الإرهابية سيكون بداية لسلسلة اغتياالات قادمة لبعض الرموز السياسية؟

سالي: على فكرة سلسلة الاغتياالات مبدأتش باغتيال النائبة هدى منير بس.. لأ.. دي بدأت من زمان قوي..



بدأت لما قتلوا جنودنا في سينا أبطال مصر شهداء الجيش والشرطة.. بدأت من "أبو شقرة" مروراً بالقائد المنسي وعمرو القاضي والطيار هشام حسني وغيرهم من ولادنا وشبابنا.. مش بس الرموز السياسية كل الرموز الوطنية؟

(فجأة تخرج صحيفة محجة من وسط الجميع تتحدث بثقة وغيره بعض الشيء تدعى "منى هلال" وهي تنظر إلى سالي بحدة وضيق قائلة): سالي الحلواني.. بعد ما طلبتي أقصى عقوبة للمتهم وصدر حكم الإعدام النهائية.. هل القصاص في القضية دي عدل؟

سالي: ده سؤال استفهامي واللا اعتراض منك.. (ثم تنظر منى إليها وترد باشمئزاز وحدة قائلة): ده سؤال موجه ليكي خصوصاً إن محامي المتهم الأستاذ الكبير والعظيم أدهم مذكور.. استشهد بأدلة تمنع وجود سيق الإصرار والترصد.. ومع ذلك شوفنا صراع بينك وبينه أمام هيئة المحكمة.. انتهت بالحكم اللي إنتي عايزاه (تنظر إليها سالي

بحدة وسخرية وثقة وهي تضحك قائلة): هاهاها وليه
مستغربة إنها انتهت بالحكم اللي أناااا عايزاه.. الإعدام هو
الحكم العادل للقضية.. خصوصاً إني أثبتّ عكس ما نفاه
محامي المتهم الأستاذ الزميل أدهم مذكور.. وبعدين احنا
كلنا سمعنا شائعات كتير قوي على صفحات السوشيال ميديا
بتشكك في شخص الجاني وبتتفي عنه التهمة وبتتادي
ببراءته.. علشان تأثر على الرأي العام ومنصة القضاء..
بس معروف طبعاً الشائعات دي مصدرها مين.. واللا إيه
ياااا مش منى هلال برضه؟

(تتظر إليها الصحفية منى هلال باشمئزاز وحدة
وتبتسم بسخرية قائلة): عرفتيني؟

سالي: طبعاً عارفاكي.. (تشير سالي بسخرية وبرود
بيدها على وجهها وأنفها بعلامة نقاب وتستكمل حديثها مع
منى باستهزاء قائلة): بس ناقص كده ال.. هو النقاب اللي
إنتي كنتي لابساه راح فين؟ (تتظر منى هلال لها بإحراج



وخجل وغضب وترحل من أمامها، ثم تنتظر سالي لها
ببرود تتابع خطواتها وتستكمل حديثها مع الشباب الصحفيين
وتتحرك من أمامهم قائلة: بعد إذنكم انتهت الحوارات
الصحفية على كده.. أظن لا صوت يعلو فوق صوت
القضاء والحكم النهاردة بات ورا دع وأنا معنديش كلام ثاني
أقوله.. بعد إذنكم. (تتحرك سالي بثقة وهي تتجه على سلام
المحكمة، وخلفها الصحفيون يحاولون أخذ تصريح آخر
منها، ولكن للأسف دون جدوى فتفتتها بنفسها وقوتها تقف
سدًا أمام مَنْ يحاول أن يلاحقها).

تنزل منى هلال من على سلم المحكمة وهي تتابع
سالي بنظرات حادة ثاقبة من بعيد تتحدث مع نفسها في
غضب وغيرة شديدة قائلة: يا بنت ال.. طول عمرك قادرة
بس أنا برضه مش هسيبك ويا أنا يا إنتي يا بنت الحلواني.

في أحد شوارع جاردن سيتي العريقة وأمام فيلا أثرية
ببوابة خاصة نرى يافطة مضيئة مكتوب عليها "حزب التقدم
الديمقراطي"، في داخل هذا المقر مكتب فخم وكبير يجلس
عليه المستشار "طارق شومان" رئيس الحزب، رجل في
العقد الخمسين من العمر، طويل القامة، عريض الجسم،
أبيض الشعر، يدخن السيجار في يده بهدوء، يدخل عليه
فجأة رجل أعمال أنيق في العقد الخمسين من العمر أيضاً
يدعى "محسن البنا".

محسن البنا: عملتها بنت الجنية.. جابت إعدام (يقف
طارق شومان بثقة وابتسامة يتوجه أمامه ويحتضنه قائلاً):
هاهاها مبروك يا كبير.. مش قلت لك سالي الحلواني دي
تربيتي تعال تعال.. مش دي اللي مكنتش موافق عليها؟

محسن البنا: طبعاً مكنتش موافق إنت كنت عايزني
أصدق إن بت زي دي ممكن تكسب قضية قدام أدهم
مدكور؟



طارق شومان: دي تكسب أبوه.. أنا لما اخترت لك سالي الحلواني علشان تمسك قضية زي دي.. من بين كل المحامين اللي كانوا بيشتغلوا عندي زمان في المكتب كنت عارف أنا بختار مين.. سالي الحلواني الوحيدة اللي تقدر تقف قدام أدهم مدكور (ثم ينظر إليه محسن بانتباه وإعجاب قائلاً): شوفت بعيني بس برضه لهفت أتعاب عمرها ما كانت تحلم بيه.

طارق شومان: هاهاها.. إنت فاكّر المليون اللي خدته حلم بالنسبالها متهيا لك.. دي أحلامها أكثر من كده بكتيبير يا محسن.. على العموم يارب توافق على المنصب الجديد اللي عرضته عليها هتفرق معايا قوي في الحزب.. أصلك متعرفش مين سالي الحلواني.


محسن البنا: ما تكلمني عنها شوية..

طارق شومان: سالي الحلواني دي كائن غريب ومثير.. أول ما عينك تقع عليها تشوفها أنثى جميلة بتستخدم

كل أسلحتها بذكاء رهيب.. تخليك تحوم حواليتها ونفسك بس
تشمها.. لكن أول ما تقرب منها عشان تطولها في ثانية
تتحول غولة.. ولو فكرت يوم تقف قصاها هتلاقي واحدة
زي القطر.. بتدوس عليك وتفرمك لحد ما تساوئك
بالأرض.. لأنها ساعتها مبتشوفش غير حاجة واحدة بس..
نفسها.

تجلس سالي الحلواني بفستان أحمر أنيق يظهر مفاتن
ساقها النحيف الملفوف في مطعم كلاسيكي فاخر، وأمامها
شاب وسيم في العقد الثلاثين من العمر يدعى "آدم الراوي"
الإعلامي الوسيم، يرتدي بدلة أنيقة ويجلس أمامها بكامل
وسامته ينظر إليها مبتسماً.

آدم: قوليلي بجد بعيداً عن اعتراضى عن قضية
النهاردة.. هو اللي بيكسب قضية بيحلو كده؟ (تنظر إليه
سالي بابتسامة دلع ورقة قائلة): هاهاها.. لاحظ إن كلامك



(تبتسم سالي بخجل وثقة.. ومن بعيد تجلس فتاة في سن المراهقة بجوار صديقتها على طاولة بمفردهما، يتهامسان معًا وهما ينظران إلى آدم الراوي ثم تبتسم فتاة منهما قائلة): شايقة اللي أنا شايقاه مش ده آدم الراوي المذيع.

صديقتها: شوفته يالهي ع القمر.. ده موزر على
الحقيقة أكثر من التليفزيون يا بخت صحبتة اللي قاعدة معاه.
(تتنظر إليها الفتاة بسرعة ولهفة قائلة): ما تبجي نروح
نتصور جنبه (تبتمسح لها صديقها قائلة): يااااريت ياللاااااا..

(يتحركان معاً باتجاه آدم وسالي ثم يقفان بدلع أمام آدم وتنظر إليهما سالي تراقبهما بنظرات عينيها في برود وثقة ثم تتجه فتاة منهما أمامه وتقترب منه وتمسك هاتفها المحمول قائلة): هاي آدم أنا بحبك قوي ودايما بشوف برنامجك.

صديقتها: أنا كمان من الفائز عندك ومتابعة صفحتك على انستا صورك تحفة (ينظر إليهما آدم بابتسامة ثم ينظر إلى سالي بابتسامة حيرة وهي تنظر إليهما ببرود تحاول أن تداري غيرتها فيلتفت آدم فجأة لهما قائلاً): ميرسي يا بنات (تقاطعها الفتاة قائلة): طب ممكن ناخذ سيلفي سوا؟ (يبتسم لها آدم بخجل قائلاً): أوك.. (يلتقطان السيلفي معه في سعادة غامرة وفجأة تمسك سالي هاتفها المحمول تحاول أن تتصل بأحد دون اهتمام بهما لتحاول أن تداري غيرتها بثقة ثم تقف من مكانها وتتحرك ببطء من أمامهم وهي تتحدث بالتليفون.



سالي: أيوه يا ديدا إنتي كلمتيني؟ آه كنت قافلة
الموبايل الصبح عشان الجلسة.. الله يبارك فيكي يا قلبي..
(ينظر إليها آدم من بعيد وهو يراقبها ويبتسم في
سعادة وسط انشغال الفتيات بالتقاط عدة صور معه).

يجلس محسن البنا في سيارته الفاخرة التي يقودها
سائق خاص يتذكر في صمت وحيرة وصف وكلام طارق
شومان عن سالي الحلواني ويبتسم بإعجاب وهو يتحدث مع
نفسه قائلاً: أعتقد بعد اللي سمعته من طارق شومان
النهاردة عن سالي الحلواني لازم تمسك في البت دي بإيدك
وسنانك يا محسن هي دي بالظبط اللي كنت بتدور عليها من
زمان دي اللي هتعمل كل اللي إنت عايزه.. ولو هدى منير
راحت سالي الحلواني جت.

يقف آدم فجأة بسيارته وهو غاضب بعد عودتهما من
سهرتهما وجواره سالي في حالة من الضيق ينظر إليها آدم
بغضب.

آدم: حزب ايه! لا طبعاً مش موافق.. ومحسن البنا
تاني لأ.. وإذا كنت وافقتك على إنك تمسكي قضية قتل
هدى منير فعشان كنت مؤمن بيها سياسياً وإنسانياً وشفقتها
ضحية لشوية كلاب.. وأولهم محسن البنا جوزها اللي جابك
عشان تجيبي إعدام للقاتل.

سالي: ايه ده؟ إنت تقصد ايه؟ إنت كده طول عمرك
بتعارض وخلص؟ وبعدين ماله محسن البنا رجل أعمال
شريف وسمعته معروفة.

آدم: معروفة؟ فعلاً أشهر من نار على علم وفساده
وسمعه في غسيل الأموال.. وجوازه من هدى منير لما
بقت سيادة النائبة كان معروف غرضه ايه.. أما بقه الحزب
اللي بيصرف عليه دلوقتي بالملايين ده.. معروف ليه



برضه عادي يعني راحت نائبة يبجي نواب كتير وتبقى
هيئة برلمانية كاملة.. مظلة سياسية برلمانية يتدارى وراها
بجرايمه..

سالي: على فكرة كلامك ده مفيش عليه أي دليل.. أنا
بكلمك بالقانون مليش دعوة بكلام الصحافة والإعلام
والزيطه بتاعتكوا دي.. وبعدين احنا في ملعب واحد يا
نشوط يا نطلع بره اللعبة خالص.. وأنا ناوية ألعب
باحتراف.. علشان كده لما المستشار طارق شومان يمسك
رئاسة الحزب اللي بيصرف عليه محسن البنا.. ويعرض
عليا إني أكون نائب له مينفعش أرفض.. وإنّت عارف
كويس إن أنا مش هدى منير أنا سالي الحلواني يا آدم..
سلام.

(تفتح سالي باب السيارة في غضب وتخرج منها ثم
ينظر إليها آدم في حيرة بنظرة عين مليئة بالخوف الشديد
عليها).

في شوارع وسط البلد العريقة وأمام مبنى قديم
لمؤسسة صحفية تظهر يافطة المؤسسة الصحفية القديمة
مكتوب عليها "جريدة العدل المصرية" وداخل المؤسسة
مكتب كبير للصحفيين تجلس منى هلال على جهاز
الكمبيوتر وسط زملائها الصحفيين ويدخل عليهم شاب
صحفي طويل القامة نحيف الجسم في العقد العشرين من
العمر يدعى "أحمد" يتوجه أحمد إلى منى ويقف أمامها ثم
يبتسم بسخرية.

أحمد: منى.. مش عرفت لك مين مرشحة لمنصب
نائب رئيس حزب التقدم الديمقراطي في الهيكل التنظيمي
الجديد. (تنتبه له منى بغيرة وثقة قائلة): سالي الحلواني؟
أحمد: يابنت الذين عرفتي منين؟ ده أنا لسه جايب
الأخبار طازه من المطبخ.

منى: يابني مش محتاجة فزلكه.. هو مش طارق
شومان مسك رئاسة الحزب طبعًا مش هيسيبيها تروح لغيره



دي حبيبته من زمان يا فتك.. بس إنت عارف بقه البت
سالي دي لعبتها صح قوي صحيح طبّلت يومين.. بس كانت
راسمة على حاجة تانية خالص.

(ينظر إليها أحمد بدهشة وحيرة قائلاً): ايه هي؟!
(تبتسم منى بسخرية وثقة قائلة): سالي الحلواني ما كانتش
عايزة تطبل لحد.. بس عايزة اللي يطبلها.

تقود سالي سيارتها في عصبية وغضب ثم تمسك
هاتفها المحمول وتقوم بمحاولة اتصال لتستمع إلى صوت
الرسالة المسجلة "الهاتف الذي طلبته ربما يكون مغلقاً يرجى
إعادة المحاولة في وقت لاحق"، ثم تتحدث إلى نفسها
بغضب وهي تتوعد لآدم.

سالي: أأأوووف ماشي يا آدم (تفكر سالي لحظات
قليلة وتمسك تليفونها المحمول وتتصل بأحد قائلة): ألو.

داخل أحد استديوهات قناة فضائية تقف فتاة طويلة جميلة تدعى "داليا" مخرجة برامج تليفزيونية تنتظر من خلف الكاميرا وسط زحام تجهيز اللوكيشن للتصوير تتحدث إلى هاتفها المحمول وهي تتابع عملها.

داليا: أيوه يا سالي.. لأ مكلمتوش.. ليه هو فين؟
مقفول يعني ايه؟ ده احنا عندنا هوا بعد ربع ساعة.

تستكمل سالي حديثها في هاتفها المحمول وهي تقود سيارتها بغضب.

سالي: لا يا ديدا مزعلتوش.. بس البيه عامل لي فيها سي السيد ومش عايزني آخذ قراراتي لوحدي وبيعترض عليها كمان.. ده احنا لسه متجوزناش وبيعمل معايا كده أومال لما يبقى جوزي هيعمل فيا ايه.. اوووف أوك ياديدا حاضر.. حاضر ياستي ههدا بس لما يجيلك طمنيني عليه قبل الهوا.. أوك ياللا باي (ثم تغلق سالي الهاتف في ضيق



ويرن فجأة مرة أخرى تنتظر إلى المتصل في هدوء ورقة
قائلة): ألووو.. سيادة المستشار لا أنا جاية في الطريق
حالا.. الدنيا بس زحمة شوية.. أوك لا اديني بالظبط عشر
دقايق أكون عندكم.. باي باي.

(تغلق سالي الهاتف المحمول ثم تنتظر إلى امرأة
السيارة وهي تقود تقوم بتطيط شعرها وتنتظر إلى مكياجها
وهي تتحدث مع نفسها قائلة): لازم يقفلني وأنا رايحة
الشغل.. مبيقاش آدم لو معملش كده.. بقولك ايه إنتي تفكك
بقه من آدم دلوقتي وتخليكي في أهم خطوة إنتي بتخطيها
في حياتك..

البيان بتفتحك وإنتي طول عمرك بتحلمي تقرّبي من
السلطة.. والمنصب السياسي الجديد هو اللي هيوصلك
للحصانة والصلاحيه اللي تخليكي في يوم من الأيام..
صاحبة السيادة.

تتظر داليا وهي تقف داخل الاستديو إلى ساعة هاتفها المحمول تتحدث مع نفسها في توتر قائلة: راح فين المجنون ده.. يارب أعمل ايه دلوقتي يعني لازم يا سالي تتخافوا واحنا طالعين هوا.. (فجأة يدخل آدم من باب الاستديو على عمال الإضاءة والكاميرا الذين يشيرون له بالترحيب ينظر إليهم آدم من بعيد ولا يهتم بأحد ولا يرد ويشير بيده لمساعد الكاميرا في غضب وضيق قائلاً): إنت يابني.. ايه! مش شايفني واللا ايه؟ تعال علّقي المايك. (تتابعة داليا من بعيد في دهشة وحيرة وقلق ثم تمسك هاتفها المحمول وتفتح برنامج الواتس أب تكتب لسالي الحلواني رسالة نصية بسرعه قائلة: يخربيتك إنتي عملتي ايه في الواد داخل الاستديو مش طابق نفسه".

على طاولة اجتماعات فخمة عريضة فخمة داخل مكتب رئيس حزب التقدم الديمقراطي تجلس سالي الحلواني



مع طارق شومان وبعض من رجال الهيكل التنظيمي للحزب فتخطف سالي بعينها نظرة على رسالة هاتفها المحمول وتبتسم ثم ينظر إليها طارق شومان يشير ناحيتها.

طارق شومان: النهاردة انضمت لينا أستاذة سالي الحلواني المحامية العظيمة بصفتها الجديدة نائب رئيس الحزب اتفضلتي يا أستاذة (تتنبه له وتتحدث بثقة قائلة): شكراً يا سيادة المستشار.. طبعاً أنا سعيدة بانضمامي كعضوة قبل ما أكون نائب رئيس حزبكم الموقر وعلشان نبتدي نغير استراتيجية الحزب بعد تولي المستشار طارق رئاسته.. ده هيتطلب منكم إنكم تكونوا معانا إيد واحدة.. كل اللي فات من بيانات تنظيمية في مختلف المحافظات خطط وبرامج الحزب اللي كانت مؤجلة.. تكون في أقرب وقت على الترابيزه دي قدامنا.. طبعاً كل واحد مختص باختصاصه.. أمين التنظيم السابق بلغني إنه مش عايز يتواصل مع حد فيكوا.. أنا أعرفه كويس وهكلمه بعد

الاجتماع علشان يرسل لي أنا البيانات اللي عنده.. أنا من النهاردة هعتبر نفسي جزء لا يتجزأ من الكيان ده.. وهوهب ليه كل مجهودى عشان أوصله لأفضل مستوى ويقدر ينافس الأحزاب اللي موجودة على الساحة بقوة ويقدر يحقق هدفه في الشارع المصري.. (ينظر إليها طارق شومان بإعجاب ويصفق لها بحرارة وهو متحمس أمام الجميع قائلاً): هايل يا أستاذة سالي صحيح الجواب ببيان من عنوانه وإنتي عمرك ما خيبتي ظني فيكي أبدًا.. قيادة نسائية واعية ومنظمة وأتمنى الكل يتعلم منها.. (يصفق الجميع في حرارة ثم يفتح باب المكتب فجأة ليدخل محسن البنا وهو ينظر إليهم بدهشة ويبتسم قائلاً): ايه التصقيف ده كله؟ هو الماتش خلص كام كام؟

طارق شومان: هاهاها.. أهلاً محسن بيه.. لا ياسيدي مبنترفش عالماتش وبعدين ما النتيجة معروفة الأهل حديد ياباشا.



محسن البنا: ياعم ما احنا كسبنا الدوري اللي فات
سيبونا بقه شوية.. (ثم ينظر محسن البنا إلى ترابيزة
الاجتماعات وللهيكل التنظيمي قائلاً): معلش يا جماعة آسف
مكنتش أعرف إنه اجتماع حزبي والله..

طارق شومان: يا فندم اتفضل مكتبك ومكانك (ثم
تنظر إليه سالي الحلواني وتبتسم وينتبه لها محسن البنا
ويقترّب منها بابتسامة إعجاب يسلم عليها ويقبل يدها قائلاً):
سالي هانم.. منورة الدنيا كلها.. باشكرك على اللي عملتيه
في القضية مصر كلها بتتكلم عن الحكم صحيح طارق بيه
طول عمره عنده نظر..

سالي الحلواني: يا فندم ده شرف كبير ليا.. وبعدين
سيادة النائبة الله يرحمها كانت عزيزة علينا قوي. (ينظر
إليها محسن بتأثر وحزن تمثيلي مفتعل بعض الشيء قائلاً):
الله يرحمها ويحسن إليها. (يلتفت لهما طارق بإعجاب ثم
ينظر إلى رجال الهيكل التنظيمي ويتحرك معهم ناحية الباب

قائلاً: تقدروا تتفضلوا يا أساتذہ احنا تقريباً كده قولنا كل اللي احنا عايزينه النهاردة وأنا هتابع بنفسى.. (ثم ينظر محسن البنا إلى سالي بإعجاب وهي تتابعهم من بعيد ويقاطع نظراتها لهم).

محسن البنا: أستاذة سالي تسمحي تقبلي دعوتي على العشا النهاردة (تتظر إليه سالي بدهشة وحيرة وابتسامة ثقة وهدوء).

يقود آدم سيارته وجواره داليا بعد عودتهما من التصوير وهو يمسك هاتفه المحمول على أذنه ينتظر ردًا ثم يضع التليفون بجواره في غضب وينظر إلى داليا وهو في حالة من الاستفزاز وبصوت عال.

آدم: شوفتي.. أهو تليفونها مقفول عرفتني بقة إنها مستهترة وإنني مش مهم عندها.. دي حتى مش مقدرة قلقي وخوفي عليها.



داليا: يا آدم مانت كمان كنت قافل موبايك.. وبعدين بتدلع عليك يا أخي.

آدم: بتدلع؟ لا يا داليا سالي مبتدلش سالي اتغيرت.. كانت زمان بتسمع رأيي وبتقتنع بيه وتتفذه.. عشان كانت حاسة إننا واحد مش اتتين.. لكن دلوقتي كل حاجة عندها بقت عند والند بالند.. كأني بحاربها مش بحبها وخايف عليها.

داليا: لا يا آدم متخلش الشيطان يدخل بينكوا وتفهم مفاهيم غلط.. إنت عارف سالي ثقتها بنفسها بتحسسها إنها طول الوقت قوية وتقدر تاخذ قراراتها لوحدها وبعدين إنت برضه عارف إن طموحها... (يقاطعها آدم بغضب وضيق وصوت عال): طموحها طموحها طموحها.. أنا عمري ما اعترضت على إنها تتجح وتكبر.. أنا كل اللي خايف منه إن طموحها ده يوديها في داهية.. خصوصاً لما يبقى حواليتها أشكال وسخة زي محسن البنا (يقود آدم سيارته

بسرعة تجاوزت الحد المطلوب لانفعاله وغضبه فتتظر إليه
داليا في توتر وقلق تحاول تهدئته بلطف قائلة): طيب
خلاص اهدى عشان خاطري هدي السرعة شوية.. وبعدين
احنا كده هنموت.. ومش هلحق أكلهما وأفهمها خلاص بقه
اضحك بقه وبعدين المجنونة دي تلاقيها نامت أصلاً.

في مطعم كلاسيكي فاخر تجلس سالي أنيقة وأمامها
محسن البنا يتناولان العشاء على أنغام الكمان تنتظر إليه
بإعجاب ويتجه العازف نحوها لينتبه لإعجابها ويقتررب
ويدندن بألحانه أمامها بابتسامة ثم ينظر إليها محسن البنا
بإعجاب ولهفة لملامحها المبتسمة الرقيقة.

محسن البنا: شكلك بتحبي الكمانجا قوي.

سالي: الحقيقة من أجمل الآلات الموسيقية اللي
بستمع وأنا بسمعها.. كان نفسي من زمان أتعلمها بس
للأسف.. القانون أخذني.



محسن البنا: ده من حظه ونصيبه.

سالي: هو ايه؟

محسن البنا: القانون طبعاً..

(ثم يشير محسن البنا للحارس الخاص بيده ويغمز له بعينه فيتحرك الحارس الخاص من جواره ويخرج ثم تنتظر سالي إليه بدهشة قائلة): في حاجة؟

محسن البنا: لأ مفيش.. بس ساعات كده بحس إنهم قاعدين على قلبي.. سالي هو أنا ممكن اشيل التكلفة واللا؟ (تتظر إليه سالي بابتسامة ثقة وغرور قائلة): شيل اللي إنت عايزة.. بس ده ميمنعش إنك تكون مؤمن من جواك إن أنا.. الأستاذة سالي الحلواني (ينظر إليها بدهشة وإعجاب شديد قائلاً): خطيرة.

في منطقة هادئة وجميلة في حي مصر الجديدة أمام
عقار سكني "عمارة سالي" يتحرك آدم ناحية بواب العمارة
وهو يلتفت حول المكان وينظر إلى الجراج الخارجي يبحث
بعينه عن سيارتها ثم يقف آدم أمام بواب العمارة.

آدم: من فضلك هي أستاذة سالي فوق؟ (ينظر إليه
بواب العقار في دهشة وهو رجل صعيدي طويل القامة "عم
أحمد" ينتبه لآدم ويقوم بالتدقيق في ملامحه كثيراً قائلاً): أنا
شفت حضرتك فين قبل كده.. ايوه.. مش حضرتك يا بيه
اللي بتيجي عندي في التالفزيون جوه في الأوضة..
يامرحب يامرحب يا باشا اتفضل.. (يبتسم له آدم قائلاً): آه
يا سيدي أنا.. ياريت بس تطلع تقول لأستاذة سالي إن أنا
تحت مستني.. (يقاطعه البواب بسعادة قائلاً): أنا عايز أقول
لك إن سيادتك امبارح كنت بتقول كلام مهم جوي بقيت أم
حمدي تدعيلك وتقول الله يباركله الراجل ده بيحب مصر..
(يقاطعه آدم بابتسامة ملل قائلاً): إنت اسمك ايه؟



عم أحمد: محسوبك عم أحمد.. بواب العمارة والغفير
بتاع المنطقه دي كلها.. حافظها من فوقها لتحتها بقالي
عشرين سنة هنا وبحب مصر جوي جوي يا سعادة البيه..
(يخرج آدم من جيبه نقودًا ويعطيها لعم أحمد قائلاً): خد
دول يا عم أحمد ولما تيجي الأستاذة سالي.. قول لها آدم
الراوي جه وسأل عليكي.

عم أحمد: كتر خيرك ياباشا ده كتير.. والله كتير
(يتحرك آدم من أمام عم أحمد ثم يتابعه عم أحمد من بعيد
يتحدث إلى نفسه قائلاً): أيوه آدم الراوي هو بعينه آدم
الراوي والنعمة هو.. صح.

داخل مكتب الصحفيين يجلس مجموعة من الصحفيين
على مكاتبهم أمام أجهزة الكمبيوتر من بينهم أحمد الصحفي
فتدخل منى الغرفة فجأة وفي يدها عدد ورقي للجريدة وهي
غاضبة.

منى: حسبي الله ونعم الوكيل.

أحمد: في ايه يا حجه؟

منى: اتفضل ياسيدي.. العدد نازل من غير التقرير بتاعي.

أحمد: عادي يعني لا أول ولا آخر تقرير ليكي يترفض.

منى: آه ماهو اللي بيقول الحق في البلد دي بيبقى..

(يقاطعها أحمد ويقف أمامها قائلاً): حق ايه اللي بتتلمي عنه؟ هو إنتي بتقولي الحق ده إنتي مع كل لون شوية.. احنا هنشتغل بعضينا.

منى: والله يا أحمد.. يعني لما أكتب تقرير عن ٣٠ يونيو يترفض ليه مش فاهمة؟



أحمد: ايوه.. هو ده بقه الموضوع تلاقيكي حطيتي
السم في العسل ودافعتي عن شوية خونه وإرهابيين..
حبايبك اللي أيامهم لبستي النقاب عشان تجيبي المرسيدس.

منى: ايه اللي إنت بتقوله ده؟

(يثور أحمد أمامها في غضب وسط زملائه وهم
ينظرون إليهما قائلاً): يا شيخه بلا قرف هي البلد
ناقصاكوا.. ده إنتي الحاجة الوحيدة اللي شافعالك لحد
دلوقتي هي عضوية النقابة واسم عمك الراجل الوطني
المحترم أستاذنا اللي علمنا كلنا يعني ايه صحافة وقلم حر..
واللي كسفتيه مليون مرة وسودتي وشه قدام رؤساء
تحريرك.. لولاه كان زمانك في السجن (ثم يخرج أحمد من
الغرفة وتتنظر إليه منى في دهشة وغضب).

وسط زحام طرقات القناة يسير آدم بهدوء ويقف أمام
مكتب مدير القناة يدق الباب بهدوء ثم يدخل المكتب يجد

أمامه الأستاذ محمود صالح رجلاً أنيقاً يرتدي بدلة سمراء
ينظر إليه آدم بابتسامة.

آدم: صباح الخير محمود بيه.. بلغوني إنك طالبنى
على وجه السرعة قولى اجيلك قبل الهوا (يقف محمود من
مكتبه يسلم عليه باهتمام قائلاً): اتفضل يا آدم.. الحقيقة أنا
فعلاً عايزك علشان أقولك إن النهاردة مفيش هوا.

آدم: ليه يا فندم خير؟

محمود: قرارات جديدة كده فيها شوية تغييرات..
صحيح جت بشكل مفاجئ.. بس متقلقش.

آدم: ايه اللي حصل يا فندم؟

محمود: أبداً ياسيدي اتلغى برنامجك النهاري والحقيقة
حاولت أغير ميعاد عرضه يمكن يتقبل فى الخطوة الجديدة
بس للأسف معرفتش.. جت أوامر إنه يتلغى خالص..

آدم: لا حول ولا قوة إلا بالله.. حاضر يافندم أوامركم
هستأذنك أبلغ زمايلي إن البرنامج اتوقف.. (يستوقفه محمود



بابتسامة قائلاً): اتفضل يا آدم بس متساش تبلغهم إن برنامجك القديم اتوقف وهتمسك البرنامج التوك الشو الرئيسي بتاع القناة (يقف آدم في دهشة وسعادة غامرة قائلاً): بجد.. يافندم؟

محمود: يعني ههزر معاك؟ صحيح إنت حبيبي ورشحتك للبرنامج.. بس مش ههزر معاك برضه.

آدم: هاهاها.. ربنا يخليك يافندم.. طيب في طلب صغير هطلبه من سيادتك وأنا واثق إنك مش هترفضه.

محمود: اتفضل..

آدم: فريق الإعداد والكاميرا وداليا المخرجة..

محمود: عارف عارف.. عايزهم يفضلوا معاك ويتنقلوا للبرنامج الجديد.. اتطمئن أنا أخذت القرار ده من قبل ما تطلبه عشان عارف إنك إنسان محترم وهتزرع على زملائك.

آدم: ربنا يخليك لينا يافندم.. كلنا بنتعلم من أخلاق
حضرتك.

(يخرج آدم مسرعاً من المكتب بسعادة ثم ينظر إليه
محمود من بعيد بابتسامة إعجاب وفخر يتحدث مع نفسه
قائلاً): فعلاً لا يصح إلا الصحيح.. هو ده الرجل المناسب.

في غرفة نوم محسن البنا داخل فيلته الضخمة
الكلاسيكية ينام محسن البنا على سريره وهو يدخن
السيجار يتذكر جسد سالي الحلواني ومفاتها وأنوثتها التي
كانت طاغية أمامه وبمشاعر رغبة وإثارة يسرح بخياله
معه ثم يتحدث مع نفسه بإعجاب قائلاً: يخرّب بيت
حلاوتك.. صدق اللي سمّاكي كان لازم تبقى بنت
الحلواني..



أمام مبنى إداري ضخم في أحد شوارع مصر الجديدة
الراقية تأتي سالي بسيارتها وتقف أمام المبنى وبجوارها
داليا التي تنتظر بدهشة وحيرة حولها تتأمل المبنى.

داليا: إنتي وقفتي ليه؟

سالي: انزلي..

داليا: ايه ده؟ أنزل فين وايه المكان ده؟ يابنتي احنا
مش هنروح بيتك عشان تغيري ونطلع على آدم.

سالي: بطلي رغي وانزلي بس.. تعالى.

داليا: عليا الطلاق من جوزي اللي لا شوفته ولا
اعرفه إنتي مجنونة وطقه (تنزل سالي وداليا من السيارة
تتحركان معاً ويدخلان المبنى الإداري وما زالت داليا تتأمل
حولها بدهشة واستغراب تقف سالي أمام باب شقة إدارية في
المبنى وتفتح سالي بالمفتاح وخلفها داليا فيدخلان الشقة
تنبهر داليا بها وبتشطيبها الفاخر ومساحتها الواسعة وتقف

أمام سالي بانبهار قائلة): والوالووو ايه ده؟ تجنن شيك قوي يا سالي.

سالي: ده المكتب الجديد.

داليا: ايه ده إنتي نقلتي مكتب المحاماة بتاعك؟

سالي: أيوه.. وده هيبقى مقر المكتب الجديد.

داليا: لقيتيه ازاي ده يا بنت الذين؟ ده تحفة وشكل إيجاره غالي قوي.

سالي: مش غالي ولا حاجة أخذته بمبلغ حلو جداااا.. يعني.. صاحبه عمل معايا واجب فيه.

داليا: إنتي تعرفي صاحبه؟

سالي: طبعا.. صاحب المبنى الإداري والعمارة دي كلها.. محسن البناء.

داليا: مين؟



(يرن فجأة صوت الهاتف المحمول الخاص بداليا
يقاطعهما تنتظر داليا إلى الهاتف في صدمة قائلة): ده آدم؟

سالي: طيب ردي شوفي عايز ايه..

داليا: ايوه يا آدم.. لا أنا بره مع.. (تشير لها سالي
بيدها "بلا" وتضع إصبعها على فمها تشير لها بألا تقص
عن وجودها معها ثم تستكمل داليا حديثها قائلة): مع ناس
كده ليه في ايه؟ اجيلك دلوقتي؟ إزاي دول كلموني في القناة
وقالولي إن مفيش هوا النهاردة.. طيب قول لي بس في ايه
والنبي بقه يا آدم أنا بتوتر.. ايه؟ بتقول ايه ساعة في
مصر؟ إنت بتتكلم بجد طيب احلف.. ياعم احلف.. حاضر
حاضر هاجي علطول..

(تغلق داليا الهاتف في فرحة ثم تنتظر إليها سالي في
دهشة وتساؤل في لهفة لمعرفة الحوار قائلة): في ايه؟

داليا: يظهر الأخبار كلها حلوة النهاردة آدم أخذ
برنامج ساعة في مصر وعايزني ضروري.

سالي: مبروك يا ديذا.

داليا: إنتي زعلانة عشان مكمكيش صح؟ خلاص بقه
يا سالي تعالي نروحله سوا دلوقتي.. وأنا عارفة انكوا أول
ما هتشوفوا بعض هتتسوا كل حاجة ياللا بقه.. ده انتوا
اللاتنين مجانيين أصلا.. ياللا والنبي ياللا بقه.

داخل مكتب اجتماعات في مقر القناة الفضائية يجلس
آدم مع فريق العمل والإعداد يتحدث مع أحدهم بجدية.
آدم: الملف ده لازم نفتحه في أول حلقة.. وعاليز
تقريرين فيديو خارجي عنه.. (ثم تدخل فجأة عليهم داليا
وسالي بجوارها تحمل باقة ورد كبير أحمر جذاب يلتفت
لهما الجميع في دهشة ثم تنظر داليا إليهم بابتسامة فرحة
قائلة): أنا جيت..

(يلتفت آدم لهما ثم ينظر إلى سالي في دهشة وفرحة
وعتاب وتتنظر إليه سالي بخجل وابتسامة شوق واضحة



صريحة يتحرك بعدها آدم نحوها باشتياق ممزوج بعتاب
تجعل سالي تجري أمامه في شوق تعطيه الورد في خجل
فيأخذه وتحتضنه سالي أمام الجميع وينهار آدم أمامها
فيحتضنها هو الآخر باشتياق حتى يصفق فريق العمل كله
أمامهما معبراً عن سعادته وسط ابتسامات داليا ونظرات
فرحتها).

نهاراً بمكتب الصحفيين داخل مقر الجريدة تقف
مجموعة من البنات مجتمعات أمام جهاز كمبيوتر واحد
يشاهدن صور أحضان آدم وسالي في القناة التي انتشرت
على السوشيال ميديا في منشورات مكتوبة ويقرؤونها
بصوت عالٍ: "السياسة والإعلام في قصة حب جديدة" .. "آدم
الراوي يعلن خطبته على سالي الحلواني والزواج قريباً".
"سالي الحلواني محامية وسياسية وزوجة رجل مذيع" (ثم
تقفز إحدى الصحفيات من بينهن وتقاطعهن بفرحة قائلة):

الله بجد.. يا بختهم ببعض.. الاتنين عسل قوي (تدخل عليهم فجأة منى هلال تنتظر إليهن بغيرة وحقد لا تستطيع أن تخبئه وتقاطعهم قائلة): قصدك الاتنين بجحين قوي.. هي في واحدة محترمة تعمل اللي هي بتعمله ده دي سياسية يا جدعان عارفين يعني ايه نائب رئيس حزب.. تتباس وتتحضن على الملاء كده عادي؟ دي فضيحة سياسية..

(يأتي أحمد على باب غرفة الصحفيين خلفها بعد سماعها في دهشة ويقاطعها بسخرية قائلاً): لأ وإنتي تعزّي الفضايح السياسية قوي.

منى: بموت فيها.. خصوصاً لما تبقى تحت عنوان.. الحقيقة العارية.

يقود آدم سيارته وبجواره سالي وهي نائمة على كتفه تنتظر إليه برومانسية.



سالي: مش هتيجي بقه تشوف المكتب الجديد.. ده
هيعجبك قوي يا حبيبي يجنن.

آدم: عارف إنه يجنن مش حبيبتني فيه.. حاضر بس
خلي بالك أنا قبل ما اشوف المكتب نفسي أشوف حد ثاني.

سالي: حد ثاني مين؟

آدم: حماتي.

سالي: مامي؟ يا سلام أصلا مامي وانكل عماد
جوزها استحالة يرجعوا من دبي إلا بعد أربع شهور
هتستنى كل ده من غير ما تشوف المكتب.

آدم: أنا مليش فيه أنا مش عايز أشوف مكاتب أنا
عايز أشوف حماتي ودلوقتي حالا عشان أنا لو متجوزتكيش
النهاردة..

سالي: أيوه هتعمل إيه بقه؟

آدم: هخطفك بكره.. ونتجوز ومليش فيه وبعدين انكل
عماد ده برنس شايف حياته مع طنط وانا هنا يطلع عيني.

سالي: هاهها.. مجنون.

آدم: آه مجنون.. مجنون بيكي.. بحبك (ترمي سالي
رأسها على كتفه في سعادة ورومانسية ثم يأخذ آدم كفها
وهو يقود السيارة يقبلها بحنية واشتياق).

داخل حديقته منزل خاصة صغيرة في أحد
الكومبوندات الراقية تجلس داليا على مرجيحة تتحدث في
هاتفها المحمول:

داليا: لسه مقولتيلوش؟ طيب وبعدين ده لو عرف إنك
مأجراها من محسن البنا هيطربق الدنيا.. إنتي عارفة آدم.

(تدخل عليها فجأة والدتها وهي سيدة رقيقة عجوز في
العقد الستين ترتدي باروكة يشع منها اللون الأبيض الأشقر



وفي يدها صينية القهوة التي تضعها على الترابيزة بكل هدوء تنتظر إلى ابنتها داليا تقاطعها قائلة: تشربي القهوة كلها عشان اقرالك الفجان مش تسيبي نصها زي كله مرة..

داليا: حاضر يمامي.. ثواني عشان معايا تليفون (ثم تستكمل داليا حديثها في الهاتف المحمول قائلة): أولك.. لا أنا هقول له حاجة ولا إنتي تقولي له لحد بس ما نشوف هنعمل ايه..

والدة داليا: دي سالي؟ سلميلي عليها.

سالي: بتسلم عليك يا سالي.

والدة داليا: قوليلها سوزى جاية امتى؟

داليا: أوووف يا مامي ثواني بتكلم.. يا سالي بتقولك أمك جاية امتى؟

والدة داليا: أنا قلت أمك يا قليلة الأدب.. ايه يا بنت
الألفاظ دي.. بيئة إنتي.

داليا: يا اختاااااي خلاص آسفة يا مامي خلاص.. يا
سالي بتقولك سوزي جاية امتى؟

والدة داليا: قولي لها منتساش تقولها طنط فائن بتقولك
بلاش الويج تبقى بني عايزاها حمرا زي بتاعت سعاد
حسني في بئر الحرمان..

داليا: ما تاخدي تقوليلها إنتي يا مامي وتخلصيني..
(تعطي داليا التلفون لوالدتها بدهشة ثم تأخذ والدتها منها
التلفون في هدوء قائلة): أيوه يا سالي ازيك يا قلبي..
ومامي عاملة ايه؟ جاية امتى.. (تتظر إليها داليا بدهشة
وهي تتحدث مع نفسها بصوت خافت قائلة): الولية عايزة
باروكة حمرا زي سعاد حسني في بئر الحرمان.. طب
وبالنسبة لفتانها الأحمر هتلبسه ازاي دي.. أنا النهاردة
عرفت أبويا مات ليه.. الله يرحمك يا حج؟



تخرج سالي من أمام باب عمارتها ثم تتجه إلى
سيارتها فينظر إليها عم أحمد البواب من بعيد ويتحرك
خلفها مسرعاً في سعادة ويستوقفها.

عم أحمد: ست سالي.. ست سالي.. مبروك يا أستاذة.
سالي: ازيك ياعم أحمد.. الله يبارك فيك بس
على إيه؟

عم أحمد: الولا حمدي ابني وراني صورتك في البتاع
اللي اسمه التت ده على التالافون بتاعه.. مع المذيع الحلو
ده آدم باشا.. أنا عايز أقول لك يا ست سالي والمصحف أنا
أول ما شوفته قولت الراجل ده بيحب الست سالي زي
مايحب مصر.

سالي: هاهاهاها.. (تخرج سالي من حقيبتها نقوداً
وتعطيها له بابتسامة قائلة): طب خذ دول وبطل رغي..
عشان أنا عندي شغل واتأخرت عليه.

عم أحمد: كتر خيرك ياست ده كتير.. والله كتير
(تتحرك سالي بسيارتها سريعاً من أمام عم أحمد ثم ينظر
إليها من بعيد ويغني صعيدى مع نفسه ويتراقص وهو يشلح
جلبابه في سعادة قائلاً): الحب حلو.. حلو جوي جوي..
طب ماتروحوله طب ماتقولولو.. قولولوا.. قولولو قولولو
قولولو قولولو الحجيجه.

يجلس طارق شومان في سيارته التي يقودها سائق
خاص وهو يتحدث إلى هاتفه المحمول قائلاً: طول عمرك
صياد شاطر.. بس متكرش إن أنا اللي رشحتالك الأول
عشان بس تعرف إن طارق شومان يوم ما يصيب يجيب..
هاهاها ماشي يا كبير مبروك علينا.



تجلس سالي على ترابيزة الاجتماعات في مكتب
رئيس الحزب بمفردها وأمامها أمين تنظيم الحزب الأستاذ
عبد الحكيم رجل في العقد الخمسين.. تمسك سالي ملف
تشكيل الهيكل أمامه ثم ينظر إليها من تحت نضارته كأنه
يترقب نظراتها للملف ثم يقطع انتباهها.

عبد الحكيم: حضرتك هنا هتلاقي أمين الشباب وأمانة
المرأة المرشحين من الحزب لخوض انتخابات مجلس
النواب القادم إن شاء الله.

سالي: أمانة المرأة.. دكتورة نهاد صلاح الدين..

عبد الحكيم: ايوه صلاح الدين عبد الباري يا فندم..
حاصلة على الدكتوراه الفخرية من جامعة هامبرجر.

سالي: هام ايه؟

عبد الحكيم: هامبرجر يافندم.. وسفيرة النوايا الحسنة
في مؤتمر المرأة القوية.

سالي: آه.. مؤتمر المرأة القوية.

(يستكمل عبد الحكيم حديثه عن أمينة المرأة التي يعد وصفها في الواقع عكس ما يوصفها تمامًا فنجد السيدة نهاد المرشحة التي يتحدث عنها عبد الحكيم جالسة في مؤتمر وسط الجمهور من السيدات ترتدي عباءة خضراء ومشغولات ذهبية تقف وسط الجمهور لتتسلم درع شهادة الدكتوراه الفخرية من رئيس المؤتمر الذي يرتدي بدلة صفراء في مؤتمر شعبي.. ثم تنتظر إليه سالي وهي تسرح بخيالها بسخرية قائلة): كمل كمل يا أستاذ عبد الحكيم ومين بقه أمين الشباب محمد عادل ده؟

عبد الحكيم: محمد عادل فتحي.. شاب ممتاز جدًا يافندم خريج الأكاديمية الدولية الحديثة.. مهذب ومتفوق هو الولد الوحيد اللي اتخرج من الدفعة بامتياز وشاب رياضي من الدرجة الأولى حاصل على ميداليات ذهبية في بطولات متنوعة.. وعنده قاعدة شعبية كبيرة وقدر يوصل للشباب



بشكل سريع جدًا وحقق إنجازات في تدريبهم وتأهيلهم
عشان يكونوا كوادر شبابية صالحة للمرحلة القادمة.

(وحينما يستكمل عبد الحكيم حديثه عن الشاب الذي
يصفه عكس الواقع تمامًا نجد الشاب محمد عادل وهو يقف
لبس التخرج في إحدى الأكاديميات الخاصة وحوله
مجموعة من الفتيات يلبسن فساتين قصيرة وهو يتوسطهن
بفرحة.. ونجده تارة أخرى في سباق سيارات سريع بعربية
سبق فخمة يخرج منها بفرحة بعد فوزه وسط شباب كثير..
ونجده تارة أخرى وهو يجلس في شقة مفروشة مع أصدقائه
من الشباب يشربون البيرة ويتوسطهم محمد وهو يأخذ طبق
الحشيش ويلف سجائر الحشيش أمام الشباب الذين يتعلمون
منه طريقة لف السجائر ثم تنتظر إليه سالي وهي تسرح
بخيالها بسخرية واستفهام وترقب قائلة): يعني لو قلت له
يجيب لي الشاب اللي دربهم دول هيقدر يجيبهمولي نتعاون
معاهم في أنشطة الحزب؟

عبد الحكيم: طبعاً يا فندم.. دول شباب مؤهلة وعندها وعي كبير (يدخل فجأة عليهما رجل فلاح ببذلة ومعه قفص من البط والحمام والديك الرومي قائلاً): سلامو عليكم يا استاااذه.. (تتظر إليه سالي بدهشة وصدمة تقف من مكانها وهي في فزع من صوت البط والديوك والدجاج قائلة): ايه ده؟ مين ده يا أستاذ عبد الحكيم؟

عبد الحكيم: ده أمين كفر الشيخ يا فندم وعاليز ينزل مرشح الحزب في الانتخابات الجاية.

داخل حديقة داليا في شقتها تجلس مع والدتها وهي تشرب فنجان القهوة تتظر إليها والدتها قائلة:

والدة داليا: خلّصتي ياديدا.. ياللاً بقه هاتي اقرالك الفنجان علشان اتطمئن (تقف داليا مسرعة تتظر إلى والدتها تحاول الفرار منها قائلة): يا مامي فنجان ايه.. مفيش وقت أنا لازم أجري على الاجتماع دلوقتي مش لسه بقول لك آدم



مع سالي النهاردة وأنا اللي هروح القناة.. يالّا باي يا أحلى
مامي..

(تقبّل داليا والدتها ثم تذهب وتجري من أمامها بعد أن
تترك فنجان قهوتها ثم تنتظر إليها والدتها وهي تتأديها
قائلة): يا ديديا استتي يابنت.. يا حمارة طيب والله لقراه
برضه (تمسك والدّة داليا فنجان ابنتها وتقرأه بمفردها).

داخل المكتب الجديد للمحاماة الخاص بسالي بالمبنى
الإداري الضخم تقف سالي وآدم معاً وسط العمال الذين
يعلقون يافطتها وهي مكتوب عليها: "مكتب المستشار سالي
الحواني للاستشارات القانونية" تنتظر سالي إلى آدم
برومانسية وهو يتابع العمال ويشير لهم بيده بحماس
يوجههم وهم يقومون بتعليق اليافطة.. ثم ينظر إليها آدم
ويبتسم بحنية وفرحة.

يجلس طارق شومان في مكتبه داخل الحزب يراقب ويستمع إلى محسن البنا الذي يجلس أمامه وهو يتحدث إلى هاتفه المحمول.

محسن البنا: لالا.. حتى لو حلق دقنه ده مشوم يا باشا إنت عايزنا نفصح نفسنا بإيدينا ده احنا ما صدقنا نلم اللي فات.. متقلقش أنا لقيت خلاص المرشح الجديد بس ايه.. موزه بميت ذكر.. (ينظر محسن البنا إلى طارق شومان يبتسمان لبعضهما في خبث ومكر).

يقف آدم بسيارته أمام عمارة سالي بعد عودتهما من المكتب تنتظر إليه سالي وهي بجواره برومانسية تشير له بالسلام وتفتح باب السيارة وتنزل من الباب.. ينظر إليهما عم أحمد البواب وابنه الصغير من بعيد ينتبه لهما ويناديهما في فرحة ثم يجري عم أحمد عليهما وخلفه فجأة يظهر ثلاثة رجال بوابين صعايدة يتجهون مع عم أحمد بفرحة لآدم..



ينزل آدم من السيارة ويبتسم لهم هو وسالي التي تضحك
بشدة عليهم في دهشة.. ثم يقف الولد الصغير ويلتقط صورة
لآدم وسالي وحولهما البوابون الصاعدة في صورة جميلة
ملينة بالمحبة والسعادة.

في إحدى محافظات الصعيد وداخل صوان مضيء
كبير في أجواء مؤتمر شعبي لحزب التقدم الديمقراطي أمانة
محافظة المنيا تجلس سالي ومحسن البنا وطارق شومان
على المنصة الرئيسية.. ليقف رجل صعيدي أمين المحافظة
يتحدث في المايكروفون على المنصة.

أمين المحافظة: ودلوقتي مع كلمة نائب رئيس الحزب
الأستاذة المحامية الدكتورة الباشمهندسة سالي الحلواني.

(تقف سالي وهي تبتسم تحاول أن تخفي ضحكتها
على ما قاله أمين المحافظة عنها وهو يقدمها للجمهور ثم
تذهب إلى البوديوم وتمسك المايكروفون وسط تصفيق

الجمهور وتبتسم ابتسامة عريضة وبكل ثقة تتحدث قائلة):
بسم الله الرحمن الرحيم.. ازيكم يا أهل محافظة المنيا
وبالأخص مركز سمالوط سعيدة النهاردة بوجودي وسط
أهلي وناسي.. أيوه اللي محدش يعرفه إني أنا في الأصل
بنت الصعيد.. المنيا بلد أبويا الله يرحمه يعني أنا باعتبار
نفسى بنتكم.. وبرغم إني ماعشتش فيها لكن عمري ما
نسيت حكاوي أبويا عنها وعن أصالة وعزة ونخوة
الصعايدة المصريين.. ولاد النيل هنا تلاقي الست المصرية
القوية.. والأم الصابرة المرضية.. اللي ربت رجاله أبطال
ووهبتهم لمصر عشان يفدوها بدمهم.. ويحافظوا على ترابها
وعرضها (يصفق لها الجمهور من الرجال وتقوم السيدات
بإطلاق الزغاريط.. وسط نظرات الإعجاب والدهشة في
عيون محسن البنا).



يتحرك آدم ويتجه نحو باب استديو القناة ويخرج من
باب الاستديو فجأة أمامه شاب أنيق جذاب في العقد
الأربعين يرتدي بدلة قيمة يدعى "رامي وهيب" ينظر إليه
آدم في دهشة وهو يبتسم.

آدم: رامي وهيب..

رامي: آدم الراوي.. (يحتضن أحدهما الآخر في
سعادة واشتياق ثم ينظر إليه آدم قائلاً): يابن الذين حمد الله
على السلامة.. أنا مش مصدق نفسي رجعت امتي؟

رامي: لسه واصل النهاردة الصبح.

آدم: ومكلمتنيش ليه؟

رامي: صدقني جيت فجأة.. تقدر تقول لدواعي أمنية.

آدم: هاهاهاها.. لا ده الموضوع ده شكله عايز قعدة.

(يقاطعهما من بعيد مدير التصوير وهو ينادي على
آدم بصوت عالٍ قائلاً): أستاذ آدم فاضل عشر دقائق.

آدم: جاي حالا.. بقولك ايه يا رامي هدخل أنا أخلص
الحلقة وهبقى أكلّمك ونتفق..

رامي: اوّك.. هستناك.

آدم: سلام (يدخل آدم الاستديو ويتحرك رامي باتجاه
باب الاستوديو الخارجي ويخرج وخلفه اثنان من شباب
البادي جاردات الخاصين لحراسته).

داخل سيارة محسن البنا يجلس محسن وبجواره
طارق شومان بعد رجوعهما من مؤتمر الصعيد يتحدثان
معًا.

طارق: المؤتمر سمّع والحبائب كلها كلمتني وكله كوم
والقنبلة اللي إنت ضربتها النهاردة دي كوم ثاني.. بصراحة
مكننش أعرف إنك هتضربها في الوقت ده.. طول عمرك
لعيب يا كبير.



محسن: هاهاهاها.. ما هي لو متضربتش فجأة
متبقاش قنبلة ياباشا واللا ايه؟

تقف سالي في غرفتها وهي تنظر أمام المرأة لنفسها
في ثقة وتبتسم بفرحة وكبرياء تسرح بخيالها تتذكر مؤتمر
محافضة المنيا حينما يقف محسن البنا على البوديوم أمام
الجمهور بكل حماسه وقوة.

محسن البنا: إذا كانت المنيا قد فقدت ابنة من أبنائها
المخلصين النائبة المرحومة هدى منير بإيد الخسة
والخيانة.. فقد عوضنا الله بابنة بارة أخرى لا تقل إخلاصًا
ولا وطنية عن زوجتي هدى منير.. لذلك سأقولها بصوت
عال وسط أبناء دائرتي الكرام إنني سأدعم وأرشح الأستاذة
سالي الحلواني.. لتستكمل مسيرة العطاء في الانتخابات
التكميلية للبرلمان خلفًا للنائبة المرحومة هدى منير.

(تقف سالي الحلواني في المرأة تبتسم على صوت
تصفيق الجمهور ثم يرن هاتفها المحمول تنتظر إليه وترد
قائلة): أيوه حبيبي.. وانت كمان وحشتني قوي.. آه لسه
راجعة حالاً.. لأ مش هنام هغير واجيلك.. هنتقابل فين؟
رامي وهيب؟ ايه ده هو رجع.. امتى.. يا خبر لأ ده أنا كده
نص ساعة واکون عندكم.. أنا كمان عندي أخبار حلوة قوي
لما اجي هقولها لك.. ياللا حبيبي باي باي (ثم تغلق سالي
هاتفها المحمول وتتابع نظرات مرآتها وتتأمل عينيها وهي
تبتسم بكل ثقة ثم تتحرك في هدوء).

يجلس رامي وهيب وادم أمام بعضهما في مطعم
كلاسيكي على النيل يشربان القهوة معاً يشعل ادم سيجارته
في توتر ثم ينظر إلى رامي.

آدم: إنت متأكد من المعلومات دي؟



رامي: طبعًا متأكد.. أومال أنا جيت ليه تفكر هسيب
بلدي علشان الأشكال دي؟ أنا لما قالولي إن مصر بتتضف
والريس مش بيرحم فاسد ولا خاين.. ساعتها مترددتش
لحظة إن أرجع بلدي وافتح كل الملفات دي وافضحهم قدام
الناس كلهم.

آدم: ابن ال.. مش مكفيه تجارة السلاح وغسيل
الأموال.

رامي: مش محسن البنا لوحده يا صاحبي.. دول شلة
كبيرة عاطف الشاذلي وطارق شومان وأدهم مدكور.

آدم: أدهم مدكور؟

رامي: آه يا سيدي أدهم مدكور المحامي الكبير.. ما
هو ده بقه راس الأفعى اللي كل التمويلات اللي جاية من
أمريكا.. وتركيا.. وقطر.. عشان الجماعة إياها.. بتيجي
على حسّه وبيقسموها مصالح.

آدم: أنا عايز دليل على الكلام ده في البرنامج..
صوت وصورة.

رامي: هيحصل.. مش هلاقي أعز منك ياخده
حصري (تدخل عليهم فجأة سالي الحلواني بابتسامة قائلة):
مساء الخير.

آدم: حمدلله على السلامة يا قمر.

سالي: الله يسلمك يا حبيبي..

(ثم تنتظر سالي إلى رامي وتسلم عليه وتبتسم قائلة):
والله زمان يا رامي يا وهيب وحشتنا ايه الغيبة الطويلة دي؟
رامي: خلاص أول وآخر مرة مفيش غيبة تاني..
وبعدين لو أنا وحشتكم بجد كنتي سألتني عليا يا سيادة النائبة.

في أحد شوارع وسط البلد وعلى أحد المقاهي الشعبية
تجلس منى هلال تدخن الشيثة وهي تمسك هاتفها المحمول



وتتصفحها ثم تنتظر إلى الهاتف بدهشة وصدمة تتحدث مع نفسها في ضيق وغيره.

منى: عملتها يا بنت الحلواني؟ لعبتها صح قوي نشنتي على محسن البنا وخدتني الكرسي في غمضة عين.. باضتلك في القفص يا بنت ال.. ماشي بس أكيد مش دي النهاية والشاطر هو اللي يضحك في الآخر.

تقف سالي بسيارتها على كوبري قصر النيل وتنزل منها في غضب وخلفها آدم الذي يقف بسيارته أيضاً وينزل منها ويتحرك باتجاهها.. ثم تنتظر سالي إليه في غضب وضيق.

سالي: رامي وهيب لازم يقول كده عشان يوصل للّي هو علوزه.. زيه زي أي حد نفسه في الكرسي أبو حصانه وعنده استعداد يدفع ملايين مقابل كل ده.. وإنّ عارف كده.

آدم: أنا مليش دعوة برامي أنا ليا دعوة بيكي إنتي..
أنا خايف عليك يا سالي محسن البنا وطارق شومان بيلعبوا
بالنار.. واللي يقرب منهم هيتحرق وإنتي نفسك سمعتي
بودنك علاقتهم بأدهم مذكور.

سالي: كلام.. كله كلام رامي بيحاربهم حرب قذرة
بس وسعت منه قوي خونة وإرهابيين حنة واحدة.. وبعدين
لو في علاقة بينهم وبين أدهم مذكور كان طارق رشحني
لمحسن البنا ليه؟ عشان أفق قصاده في المحكمة واجيب
إعدام لموكله اللي قتل هدى منير.. والرأي العام كله يتكلم
عن سمعة أدهم مذكور اللي بقت في الأرض بعد ما خسر
القضية.

آدم: معرفش.. بس لو دورتي على الحقيقة هتلاقيها
لكن إنتي مش عايزة تدوري.. وعشان كده أنا بقه هوصل
للحقيقة ومش هسيبهم وهفتح كل ملفاتهم ع الهوا..
وساعتها..



سالي: ساعتها ايه؟ إنت هتجاربني يا آدم؟ بعد ما قربت أوصل للي أنا عاوزاه؟ هتقف قصادي عشان رامي وهيب؟

آدم: أول مرة أحس إن عندك استعداد تضحي بمبادئك عشان خاطر حلم نفسك تحقيقه.. بس قبل ما تتمنى تكوني صاحبة السيادة متنسيش دورك يا سيادة النائية..

سالي: حاسب على كلامك يا آدم.

آدم: حاسبي إنتي وفكري كويس.. وكفاية مكابرة بقة.. قدامك طريق من اتنين ملهوش تالت.. يا تختاري طريقي وتمشي معايا في سكتي.. يا تكلمي لوحدي في سكة محسن البنا وطارق شومان وأدهم مذكور.. بس ساعتها مش هقدر أكون لك زوج وحبيب ولا حتى أخ وصديق.. لأنني مش هقبل أي علاقة تربطني بيكي (يتحرك آدم من أمام سالي في هدوء تجاه سيارته وتظهر إليه سالي تتابعه في صدمة وحزن).

تقود سالي سيارتها في شوارع القاهرة بمفردها بعد
صدامها مع آدم على كوبري قصر النيل تسير في طريقها
وهي في حالة حزن شديد تبكي متأثرة بكلام آدم وهي
تستمع إلى صوت أغنية حزينة فتتذكر لحظات الرومانسية
والحب أيام خجلها وضحكاتهما وهي بين أحضان آدم أيام
نظرات عشقها وغيرتها عليه وهو يتوسط الأصدقاء دون أن
يراهها تنتظر لنفسها في مرآة سيارتها بانكسار وحزن ممزوج
بغضب..

وفي نفس التوقيت آدم في سيارته هو الآخر يشعر
بنفس مشاعر الحزن والألم يتذكر اللحظات الرومانسية التي
شعر بها في عشق سالي لحظات نظرات خوفه عليها قربها
منها ملامسته لوجهها الجميل بخوف وشوق، أحضانها التي
كانت تعبر عن حنانه الزائد لها، قبلاتها الساخنة التي كانت
تنثيره ويزداد بها شوقه.



تجلس داليا وهي تدخن السجائر الرفيعة مع آدم
بكافيتريا القناة تنتظر إليه في توتر قائلة:

داليا: أنا مش مصدقة اللي بسمعه ده! إنت يا آدم
تعمل كده؟ تخيّرهما ما بين حلمها وبينك.. وعايّزها في
الآخر تختارك؟ على فكرة إنت كده بتظلمها..


آدم: داليا.. أنا مش عايز أسمع كلام تاني في
الموضوع ده.. وانسى فكرة إني بظلمها دي خالص..
اوعي تفتكري إني مش عارف ومتأكد إني أنا الكفة
الخرانة عند سالي الحلواني وإني مجرد جزء ثانوي في
حياتها سهل جداً تضحي بيه.. يعني لو كملت بالطريقة
دي.. أنا اللي هبقى بظلم نفسي.. وأنا مقبلش أعيش راجل
على هامش حياة واحدة.. مهما كانت هي مين.. (ثم يقف
آدم ويتحرك بعيداً عن داليا وهي تنتظر إليه في توتر وحزن
ودهشة).

تجلس سالي على ترابيزة الاجتماعات وأمامها الأستاذ عبد الحكيم أمين التنظيم، تجلس أمينة المرأة نهاد صلاح الدين وأمين الشباب محمد عادل فتحي أمامهما في انتباه شديد وبعض أمناء الهيكل السابق تتحدث سالي معهم في جدية.

سالي: أنا عايزة مؤتمر للشباب يليق بالمركزية ويضم كل أمناء شباب الكيانات الثانية.. وأنا هبعت بنفسي دعوة خاصة لرؤساء الأحزاب.. (يقاطعهم فجأة دخول طارق شومان ومحسن البنا وبعض من شباب الحزب يصفقون ويهللون قائلين): كلنا سالي الحلواني.. كلنا سالي الحلواني..

(يقف أمامها محسن البنا وطارق شومان وتتنظر إليهم سالي في دهشة وتبتسم قائلة): هو في ايه؟

محسن البنا: في ياستي إنك معزومة النهاردة عندي في الفيلا.. حفلة صغيرة كده.. عشان نحتفل بيكي يا سيادة



يجلس آدم في استديو القناة يقدم برنامجه على الهواء وهو ينظر إلى عدسة الكاميرا في ثقة وتحداً أمام نظرات انتباه وترقب الجميع في الاستديو.

آدم: هنفتح ملف مهم جداً.. أتحدى أي حد يكون اتكلم فيه وهو ملف فساد بعض رؤساء الكيانات السياسية.. هتقولولي تقصد ايه وهتتكلم عن مين؟ هقول لكم هتعرفوا كل حاجة بس بعد ما نطلع فاصل ونرجع تاني.. واوعو تروحوا في أي حطة..

[illegible]

أندم إنني وافقتك على موضوع الحلقة النهاردة أرجوك
امسك نفسك وحاول توصل رسالتك من غير ما تجرح في
أي حد..

آدم: الحلقة النهاردة على مسؤوليتي الشخصية.. وفي
إقرار مني جوه في مكتب أستاذ محمود تقديري تدخلني
تقريبه..

داليا: أنا مقصدت شغلي كمخرجة أنا بتكلم بصفتي
صديقة وأخت أنا خايفة من الناس اللي نويت تفتح النار
عليهم..

(بيبتسم لها آدم بحسرة وضيق ثم يقطعها صوت
مساعد المخرج قائلاً): ياللا يا أستاذة داليا فاضل
عشر ثواني..

(ثم تتحرك داليا بعد أن تستمع إلى الصوت في هدوء
وهي تنتظر إلى آدم في ضيق وقلق).



في حديقة كبيرة على حمام سباحة فخم وعلى أجواء
الإضاءة اللامعة وأغاني الدي جي الوطنية وسط رجال
الدولة وبعض سيدات المجتمع.. يقف الصحفي أحمد يقوم
بالتقاط عدة صور على ترابيزات الحفل لرجال الدولة
السياسيين والإعلاميين ثم تأتي من خلفه منى هلال تنظر
إليه بضيق ثم يلتفت لها أحمد وهو يصور ينظر إليها
بدهشة.

أحمد: ايه ده؟ ده إنتي آخر واحدة تيجي هنا ايه اللي
جانبك يا بنتي؟

منى: أعمل ايه؟ كلموني وقالولي لازم تروحي تغطي
أم الحفلة.

أحمد: هاهاها.. بيني وبينك هي أم الحفلة دي..
فعلاً عايزة تغطي.

أحمد: بصي بصي مين هناك.. ده العاقل في الباطل
والدنيا هنا بزرميط.. مش ده توفيق أمين بتاع المخدرات..

منى: آه هو.. سمعت إنه هينزل ابنه انتخابات الدورة الجاية.

أحمد: عارف.. بس تفكري هيدوله رمز ايه؟ أكيد البرشامة.

منى: هاهاهاهاها.

أحمد: وبصي مين كمان اللي على التراييزة اللي هناك دي.. مش ده الشيخ رزق بتاع حزب الشمعة؟

منى: ايه حزب الشمعة ده؟

أحمد: اللي بينور القلوب.. ومقره في الجنة.. أهّمّا دول دلوقتي اللي فعلا.. مخدناش منهم غير حلاقة الدقن.

منى: والنبي روح انتشطر على.. (ثم تنتبه منى لصوت الموسيقى التي تغيرت لموسيقى ترحيب ملكية عندما ظهرت فجأة سالي الحلواني لحظة وصولها أمام الجميع.. فتطل سالي الحلواني ملكة بستان أبيض أنيق وخلفها محسن



البنا وطارق شومان يرحبان ويسلمان عليها ثم يتجه نحوها
رجال الدولة الكبار الذين يرحبون بها ويقبلون يدها
ويهنئونها.. تنتظر منى إلى هذا المشهد الذي أمامها بحقد
وغيرة وسخرية قائلة): هي دي بقه اللي بيسموها عروسة
المولد.. واللاً عروسة المجلس؟

يخرج آدم من لوكيشن الاستديو بثقة وخلفه طاقم
الإعداد والمصورون في سعادة وتقف داليا من بعيد في
ضيق تنتظر إليهم.

المصور: الحلقة جامدة يا أستاذ آدم.

مساعد المصور: الله ينور يا كبير.

مساعد مخرج: صحيح الضرب في الوش مفيهوش
معلش.

آدم: هاهاها.. لسه يا رجاله الحلقة دي كانت جس نبض للي على راسه بطحة..

مساعد المخرج: واللي هيحسس عليها في الحلقة الجاية هنسمع أحلى أي.. واوعوا تروحوا في أي حطة.

الجميع: هاهاها (ثم يفاجئهم المدير أستاذ محمود من بعيد يتحرك باتجاههم وينظر إلى آدم ويبتسم له بإعجاب قائلاً): برافو يا آدم.. أنا كنت صح يوم ما اخترتك للبرنامج ده بالذات.

آدم: بفضل مساندتك وثقتك فيا يا فندم.

محمود: على فكرة يا آدم أنا جتلي تعليمات إنك تكمل الملف كله على الهوا.. زي ما الدولة صاحبة ومفتحة عنيتها احنا لازم نعمل اللي علينا ونكمل دورنا على أكمل وجه.. كلم رامي وهيب وبكره من الساعة واحدة الضهر تكونوا عندي في المكتب علشان أقول لكم هنعمل ايه.



آدم: بجد يا فندم؟ يعني أقدر الحلقة الجاية انزل
بالتسريبات اللي عندي؟

محمود: هنتزل باللي عندك كله واللي ناقصك
هنكملها لك متقلقش احنا معاك.. إنت مفتوحك الضوء
الأخضر.. ياللا ورينا همتك (تتظر إليهم داليا من بعيد
تراقبهم في ضيق وتمسك هاتفها المحمول في توتر وتتصل
بأحد وترحل في صمت).

في فيلا محسن البنا وعودة أخرى لحفلة سالي
الطواني تقف سالي وأمامها محسن البنا ينظر إليها بإعجاب
 ويفتح أمامها علبة ذهب صغيرة بها خاتم الأماظ ثمين وينظر
إلى وجه سالي وهو يبتسم.

محسن: هدية بسيطة مني أتمنى تعجبك.. (تتفاجأ
سالي به وهي تبتسم وتتنظر إلى الخاتم الأماظ في إعجاب
قائلة): حلوة قوي بس ليه كل ده؟ إنت عملت عشاني كثير؟

محسن: أنا لسه معملتش حاجة وبعدين مفيش أي حاجة تغلى على سالي الحلواني.. اعتبريه هدية نجاحك في الانتخابات..

سالي: هاهاها.. دي النتيجة لسه مطلعتش يا محسن بيه!

محسن: تفتكري محسن البنا لما يرشح حد ويقف جنبه.. ممكن في يوم من الأيام مينجحش.. (يخرج محسن الخاتم بثقة من العلبة ويمسك إيد سالي وهي تنظر إليه بدهشة وتبتسم ثم يلبسها الخاتم بنفسه قائلاً): معلى اسمحيلي.. أصل بحب أحط كل حاجة في مكانها.. وده.. مكانه.

(تلتقط منى من بعيد صورة لمحسن وهو يمسك يد سالي ويلبسها الخاتم ويقبل يدها بهاتفها المحمول دون أن يراها أحد ثم تنظر منى إليهما من بعيد وهي تتحدث مع



نفسها وتتنظر إلى الصور التي التقطتها في فرحة قائلة):
وجون وجون وجون وجون وجوووووون.

يخرج آدم من مبنى القناة يتجه ناحية سيارته ثم يقف
أمامها ويفتح باب السيارة وفجأة يرن هاتفه المحمول ويرد.
آدم: ألووو.... (ترد عليه الصحفية منى عبر الهاتف
بصوت عالٍ قائلة): مساء الخير يا مستر آدم..

آدم: مساء النور يا فندم مين؟

منى: مش مهم مين.. المهم إني في حاجة تخصك
بعتهالك دلوقتي على الواتس أب.. من قلب الحدث.

آدم: حدث ايه مش فاهم؟ إنتي بتتكلمي على ايه؟

منى: لا مانت هتعرف وتفهم كل حاجة من على
السوشيال ميديا عشان شكله كده هيبقى حوار كبير.. وتريند
كمان الأيام الجاية.. سلام (تقف منى وهي تتحدث في

هاتفها المحمول بمفردها في الحفل بثقة وتحداً وسخرية ثم تغلق الهاتف بابتسامة انتصار.. وعلى الجانب الآخر يغلق آدم هاتفه في دهشة ثم يفتح الواتس أب مسرعاً، ليجد رسالة من رقم غير معروف يفتح الصور في ترقب ويرى أمامه صورة محسن البنا وهو يلبس سالي الخاتم ثم يقلب صورة أخرى ليجد محسن البنا يقبل يد سالي في الحفل فينظر آدم أمامه في دهشة وصدمة وألم وانكسار.

يقف محسن وخلفه الحراس أمام باب الفيلا الكبيرة يقوم بتوصيل سالي لسيارته التي يأتي بها السائق الخاص به وتحمل لوحة معدنية "ب ن أ ١٢٣" يفتح لها بنفسه باب السيارة ويسلم عليها وتركب سالي ويتحرك السائق بالسيارة بعد أن يغلق محسن باب السيارة.. ثم تأتي وتتحرك سيارة فاخرة كانت تنتظر من بعيد تقف أمام باب الفيلا فيلتفت



محسن البنا خلفه وينظر إليها بانتباه لينزل منها رجل طويل
القامة يرتدى بدلة ثمينة بلحية خفيفة ويمسك بيده سبحة..
ينظر إليه محسن البنا في توتر وغضب ودهشة وهو يلتفت
حوله..

محسن البنا: أدهم مذكور؟

داخل مكتب فيلا محسن البنا يقف محسن
وطارق وأدهم مذكور أمام شاشة التلفزيون الكبيرة
يشاهدون آدم الراوي في برنامجه صوت وصورة أمامهم
وهو يقول:

آدم: زي ما قلت لحضراتكو يوم السبت هيكون معانا
صور وأدلة تكشف جزء كبير من حقيقة المخططات التركية
والقطرية الداعمة للإرهاب وعلاقاتها ببعض رؤساء
الكيانات السياسية.. نشوفكم الأسبوع الجاي (ينظر أدهم

مدكور إليهم ويغلق الشاشة بالريموت الذي في يده قائلاً):
هااا ايه رأيك يا محسن بيه؟

طارق شومان: هم ناويين يقرأوا علينا الفاتحة واللا
ايه..؟

أدهم مدكور: معرفش اسأل محسن بيه؟ مش آدم
الراوي ده خطيب ست الحسن.

محسن: خطيب مين؟

طارق: خطيب سالي الحلواني يا محسن إنت
متعرفش؟ دي الناس كلها عارفة وصورهم عالفيس بوك.

أدهم: يعني مش بعيد تكون مدبرة معاه كل حاجة
عشان توقعنا كلنا..

محسن: لأ معتقدش.. سالي الحلواني كل اللي يهتمها
كرسي المجلس اللي هتقعد عليه وأنا واثق إنها علشانها هتبيع



حاجات كثير قوي وأولهم خطيبها المذكور يا أدهم بيه
مدكور..

أدهم: ولو مباعتش؟

محسن: يبقى الأخ ده لو كان لحق واتكلم في الحلقة
دي ف احنا مش هنسمح له بنص كلمة في الحلقة الجاية..
اسمعوني كويس..

تجلس داليا مع والدتها في حديقة شقتها تنتظر إليها في
انتباه شديد وهي تقرأ لها الفنجان.

والدة داليا: هيجي على باب البيت..

داليا: بجد يا مامي؟

والدة داليا: آه.. استتي كده.. بعد عشر نقط.

داليا: هاااااااا؟

والدة داليا: ممكن العشر نقط دي تبقى عشر سنين..
عشر شهور.. عشر أيام.. عشر ساعات.. عشر دقائق..
عشر (ثم يقاطعهما فجأة رنة جرس تليفون داليا ثم تنتظر
داليا إلى التليفون بدهشة قائلة) آدم؟ ثواني يا مامي هرد
وبعدين كملي عد.

والدة داليا: أوووك.. ردّي.

داليا: أيوه يا آدم.. ايه! إنت قدام البيت! ومعاك
رامي؟ خير في أيه؟! (تقف داليا وتشير لوالدتها
بأنهما بالخارج ثم تستكمل حديثها في التليفون قائلة):
طيب.. طيب تعالوا آه أنا ومامي موجودين اتفضلوا طبعًا
(تغلق داليا الهاتف ثم تنتظر إلى والدتها في تسرع وهي
تفكر قائلة): يا ترى العشر نقط مخبيين ايه.. دول بره
يا مامي؟

والدة داليا: مش قلت لك.



داليا: قولتيلي ايه يا ماما ده معاه رامي وهيب..
مسيحي.

تنام سالي على سريرها داخل شقتها وهي تمسك
هاتفها المحمول تتصفحه وفجأة تنظر إليه في دهشة وتقفز
لتجلس على السرير وتتنبه وهي تنظر إلى شاشة المحمول
جيداً تجد صورتها مع محسن البنا وهو يلبسها الخاتم
في الحفل على صفحات الفيس بوك تتحدث مع نفسها
في صدمة.

سالي: ايه ده؟ يا نهار اسود يابنت ال؟ هي مفيش
غيرها..

(ترمي سالي الهاتف المحمول من يدها وتتحرك من
سريرها وتتجه للدولاب وتخرج ملابسها بسرعة في غضب

وتحاول أن ترتديها قائلة): هو أنا لسه بدأت عشان
تحاربوني.. يا ولاد الكلب.

داخل شقة داليا تقف داليا في دهشة تنظر إلى رامى
وآدم في ثقة وغضب.

داليا: استحالة سالي تعمل كده! أنا لسه مكلمهاها
امبارح بعد الحلقة وبعد ما هي كمان رجعت من الحفلة..

آدم: ومجابتلكيش سيرة الخطوبة؟

داليا: خطوبة ايه يا آدم؟ إنت بتصدق الكلام ده.. احنا
بتوع إعلام وفاهمين كويس قوي يعني ايه فرقعة ونشر
إشاعات ع الننت.. سالي بتحبك.

آدم: بتحبني؟

رامي: آدم أنا شايف إن سالي بتتصرف على عماها
ومش قادرة تصدق حجم الكارثة اللي بتحط نفسها فيها



عشان كده لازم نكمل اللي بدأناه ونفتّح عندها وعين
غيرها.. خلونا نفكر الحلقة الجاية هنطلع بايه وأنا معايا
الملف كامل في العربية دلوقتي هطلع أجيبه عشان
نختار منه الصور والفيديوهات اللي هنعرضها.. (ثم يرن
فجأة الهاتف المحمول الخاص بداليا فتتنظر إليه
بسرعة فائلة): دي سالي.. ثواني يا جماعة أرد.. ايوه يا
سالي إنتي فين؟

تقود سالي سيارتها في غضب وهي تتحدث في
تليفونها المحمول في توتر شديد.

سالي: عرفتني اللي حصل.. شوفتي ولاد الكلب
كاتبين ايه؟ البت الصحفية إياها كانت هناك امبارح وهي
اللي عملت كده أنا متأكدة.. مانتي عارفاها طول عمرها
بتكرهني.

داليا: طيب اهدي علشان خاطري وتعاليلي دلوقتي
عشان نفكر ونشوف نعمل ايه؟

سالي: هو آدم عرف حاجة.. كلمك؟

داليا: آدم.. لأ.. آه.. آه كلمني.. بصي يا سالي
من الآخر آدم ورامي عندي في البيت تعالى بس واحنا
نتكلم..

(ثم تغلق سالي الهاتف المحمول مسرعة في توتر بعد
أن أكدت لها داليا إن آدم بجوارها وعلى علم بتفاصيل ما
حدث ثم تتحدث سالي إلى نفسها بضعف ورومانسية وهي
تقود سيارتها بحزن قائلة): يا ترى يا آدم بتقول عليا ايه
دلوقتي؟ بتقول إني سيبتك عشان فلوس محسن البناء؟ واللا
لسه حاسس بحبي ليك وروحي اللي جواك اللي عمرها ما
هتحب ولا هتكون لحد غيرك.



داخل غرفة الصحفيين يدخل أحمد بغضب ليجد أمامه
منى ومجموعة من الصحفيات أمام جهاز الكمبيوتر ينظر
إليهن في غضب.

أحمد: طبعاً.. ما هي التجميعية دي بسبب فضيحة
الست منى.

منى: فضيحة الست منى.. واللا فضيحة عروسة
المجلس؟ معلش أصلي جيت عالوتر الحساس.. مش دي
قدوتك صاحبة المبادئ يا ابو المبادئ.

أحمد: إنتي مالك مغلولة منها كده ليه؟ هي جت على
سالي الحلواني ما كل اللي كانوا في الحفلة امبارح كانت
أخبارهم محتاجة تغطية خاصة بتليفونك.. مصورتهمش ليه؟
منى: سيبتهم ليك إنت يا فتك.. بس خليك شجاع
وطلعهم زيي ع المسرح.. عن إذك عشان هروح أفتح
الستارة الحمراء.

(تتنظر إليه بغيظ وتتجه إلى الخارج ويلتفت لها أحمد
بغضب وحيرة).

تدخل سالي على مكتب رئيس الحزب بغضب لتجد
أمامها طارق ومحسن تنتظر إليهما في ضيق وغضب.

سالي: يرضيكوا اللي بيحصل ده؟

طارق: محدش موافق طبعاً.. أنا هقلب الدنيا (يقف
محسن البنا في هدوء وبرود ويبتسم لسالي قائلاً): لأ ثواني
يا طارق بيه.. احنا نهدي شوية.. ده احنا لسه بنقول يا
هادي.. واللا ايه يا سيادة النائبة.

سالي: ما هو أنا مش هاسمح لهم ياخدو الشو على
حساب سمعتي ومستقبلي.

محسن: مش قولنا نهدي شوية.. اقعدى بس (تجلس
سالي ثم يلف محسن حولها بثقة قائلاً): بصي ياستي اللي



عمل كده.. أنا مستعد اجيبهولك دلوقتي قصادك وتعملي فيه
اللي إنتي عايزاه.. بس قبل ده كله لازم تخلي بالك.. إنتى
فاضل لك أسبوعين وتبقي في المجلس.

سالي: يعني هنسكت على المهزلة دي؟

محسن: عيب عليكى ده أنا براهن على ذكائك.. مين
قال كده ده احنا هنسكت دلوقتي صحيح.. بس علشان بعد
المجلس لينا رد تاني خالص.. هم مش بيقولوا اتقل تاخذ
حاجة نضيف.. (تتظر إليه سالي بحيرة قائلة): ماشي لما
نشوف.

ثم نعود مرة أخرى لغرفة الصحفيين حيث يدخل أحمد
باتجاه منى وهي جالسة على الكمبيوتر في هدوء ويقف
أمامها في حيرة وتتنظر إليه منى بدهشة وهي تبتسم بثقة ثم
يتحدث بهدوء.

أحمد: أنا عايز أفهم إنتي عملتي كده ليه؟

منى: هقولك.. بس هتسمعني واللا هتهاجمني زي كل مرة.

أحمد: هسمعك.. بس تقولي كلام مقنع.

منى: تمام.. ربع ساعة وقابلني على قهوة وسط البلد
عشان مش هينفع الكلام هنا.

أحمد: خمس دقائق وهتلاقيني هناك مستنيكي..

(يتحرك أحمد من أمام منى بسرعة ثم تنظر إليه منى
من بعيد وهي تفكر بابتسامة نصر وثقة).

يجلس أدهم مدكور في سيارته الخاصة في الخلف
ويتحدث إلى هاتفه المحمول بثقة.

أدهم مدكور: مش عرفت لك مين اللي ورا الليلة دي
كلها.. رامي وهيب يا باشا.. الواد بتاع الاسمنت اللي



رفض يحط إيدته في إيدينا وهج بره البلاد وقعد يلعن في
سلسفين أيا منا وليالينا.. آه ياسيدي رجع.. وشكله كده مش
ناوي يجيبها لبر وعايير يخلص القديم والجديد مني ومنك.

يجلس آدم ورامي أمام أستاذ محمود مدير القناة داخل
مكتبه يتحدث محمود معهما بجدية قائلاً:

محمود: بصوا بقه اللي هينقل هنا ميخرجش بره باب
المكتب ده.. رامي بيه لما جالي وطلب مني نفتح ملف فساد
رجال الأعمال وبعض رؤساء الأحزاب في القناة أنا
مفكرتش غير فيك يا آدم واللي إنت مكنتش تعرفه.. إن هو
ده السبب الرئيسي اللي خلانا نغير خطة برامج القناة.

آدم: ايه ده؟ يعني إنتوا كنتوا شغالين من قبلي بقه؟

محمود: طبعاً واحنا مبدأنش نخطط وننفذ غير لما
أخذنا الموافقه والإذن من فوق.. والحمد لله كانوا داعمين لينا

بكل قوة والأجهزة كلها دلوقتي شغالة على الموضوع ده..
علشان كده الكل منتظر مفاجآت الحلقة الجاية وكشف
الحقايق للناس.. رامي ادبت اللي قولتلك عليه لآدم.

رامي: أيوه يافندم..

آدم: واخترنا كمان اللي هيتعرض في حلقة بكرة
(وفجأة يرن الهاتف المحمول الخاص بالأستاذ محمود ويرد
عليه مسرعًا ويقف من مكانه قائلاً): سيادة الوزير..

في أحد المقاهي الشعبية بوسط البلد يجلس أحمد
بمفرده يشرب القهوة ينتظر منى بشغف وحيرة وتمر
لحظات قليلة ثم تدخل عليه منى مسرعة وهي تشير إلى
عامل القهوة.

منى: شيشتى يا زكي.. معلش يا أحمد اتأخرت
عليك.



أحمد: ولا يهملك.. بس ادخلي في الموضوع
علطول.. اسمعني سالي الحلواني يا منى؟

منى: بنت الحلواني بتاعتك دي متهميش في حاجة أنا
اللي يهمني.. هو أدهم مدكور.

أحمد: أدهم مدكور؟

منى: ايوه أدهم مدكور.. الحكاية كلها ابتدت يوم ما
روحت له أيام ما كان نائب في المجلس اللي انحل بعد ٣٠
يونيو.. كان عندي حوار معاه.. (تتحدث منى مع أحمد
وتتذكر وهي تحكي له مشاهدتها التي تحكيها.. ففي يوم من
الأيام كانت تجلس منى في ريسيشن مكتب أدهم مدكور
وسط شباب كثيرة بلحية ورجال فقط دون وجود أي امرأة
تنظر إليهم منى في دهشة وترقب ثم يخرج أدهم من مكتبه
وخلفه مجموعة من القيادات السياسية وفي وسطهم محسن
البناء.. وتتحدث منى تحكي لأحمد قائلة): أول مرة كنت
أدخل مكتبه.. وسط شباب كثير ودقون أكثر كنت منتظرة

بره في الريسبيشن.. كان عنده اجتماع طارئ قعد فيه
كتبيير قوي..

خرج منه وكان وراه كل الأسماء الكبيرة اللي لابسه
وش تاني دلوقتي.. منهم محسن البنا..

أحمد: محسن البنا؟

منى: أيوه محسن البنا واللي هتستغربه أكثر.. لما
قال لي اتفضلي ودخلت مكتبه.. (تتذكر منى المشهد حينما
تدخل مكتب أدهم مدكور وتجلس أمامه ثم يفتح باب المكتب
ويقف شاب محامٍ ومعه رجل ينظر إلى أدهم باستعطاف
وتستكمل حديثها مع أحمد قائلة): وأنا باخد منه الحوار دخل
علينا محامي من الشباب ومعه راجل غلبان لابس بدلة
مبهذلة وشكله غريب.. أول ما أدهم شافه زعق للمحامي
وقال له:

أدهم مدكور: ايه اللي جاب الحرامي ده تاني هنا؟



الرجل الغلبان: حقك عليا يا باشا والنبي ماتمشيني
مكسور خاطر.. ده أنا ورايا كوم لحم وانت اللي بتستترهم.
أدهم: ششششش.. امشي اطلع استتاني بره لحد ما
أخلص.. (ثم ينظر إليها أحمد في دهشة وحيرة وهي
منهمكة في حكايتها ويقاطعها وهي تحكي قائلاً): طب وايه
علاقة الراجل ده بالموضوع بتاعنا؟

منى: هقول لك.. الراجل ده كان سواق عنده بقاله
خمس سنين.. وفي يوم شيطانه لعب في دماغه وعينه
زاغت على ولاعة الباشا مد إيده وسرقها.. ساعتها أدهم
باشا قرص ودنه بس قرصة ثقيلة شوية.. طرده وشرده هو
ومراته وبناته السبعة.. وبعد ما كنت عنده في المكتب
سامحه ورجعه تاني الشغل لحد الشهر اللي فات بس.. أدهم
مدكور قرر يضحي بالراجل ده وقدمه كبش فدا لناس كبيرة
قوي.. وف يوم وليلة الغلبان ده بقه حديث الرأي العام.

أحمد: هو مين؟

منى: جمال شوقي السيد.

أحمد: ايه؟ مش ده الإرهابي اللي خد إعدام في قضية
قتل هدى منير؟

منى: أيوه هو.. عرفت بقه اشمعنى سالي الحلواني.

يقود آدم سيارته في صحراء الدائري سارحاً في حزن
وانكسار ثم ينتبه إلى مرآة سيارته الأمامية على نور فلاش
سيارة جيب خلفه من بعيد تترقبه ثم ينظر بجواره إلى
المرآة يجد السيارة يقودها رجل ملثم تسرع خلفه بشدة
تلاحقه وتطارده.. يجرى آدم بسرعة عالية من أمام السيارة
في دهشة وهو ينظر إلى السيارة التي تطارده ولسائقها
الملثم ثم يدخل آدم مع سائق السيارة الجيب في مطاردة
قوية وسط صحراء الطريق لتسرع السيارة الجيب خلفه
وتلاحقه وتصطدم به فتقلب سيارة آدم وهو بداخلها ثم



ينظر الرجل المثلث من بعيد وهو في السيارة بحدة وترقب
ليرى أمامه سيارة آدم وهي منقلبة فيلتقط صورة لها من
هاتفه المحمول بسرعة ثم يهرب بسيارته بعيداً.

أمام عمارة في أحد الأحياء الهادئة يصعد عدد من
أفراد أمن الدولة على سلم العمارة ليصلوا أمام باب شقة
منى هلال الصحفية يكسرون باب الشقة ويقتحمونها
فيفتحون الباب بعنف فيدخل البعض ويقوم الآخر بالتفتيش
ثم يدخل ظابط منهم إلى غرفة نوم منى يفتحها لا يجد أحداً
ويخرج منها بهدوء.. وفجأة تدخل منى من باب الشقة فجأة
في صدمة ودهشة ثم تقف أمامهم في رعب.

منى: ايه ده؟ هو في ايه؟

الظابط: مفيش حاجة مش إنتي برضه.. منى هلال
الصحفية؟

منى: أيوه يا فندم أنا.. خير؟ (ينظر الظابط إلى رجال الأمن قائلاً): هاتوها..

(يتحرك الظابط باتجاه باب الشقة ويخرج منها ثم يمسك رجال الأمن منى في قبضتهم وسط خوف وذعر وبصوت عال تعترض قائلة): هو في ايه؟ أنا مش فاهمة حاجة؟ أنا صحفية مش مجرمة عشان تمسكوني كده؟

تجلس سالي أمام محسن البنا في مطعم كلاسيكي ينظر محسن إلى سالي ويضحك بصوت عال..

محسن: هاهاهاهاها.. هو احنا مش قولنا نهدي يا سالي وبلاش ناخذ حقنا دلوقتي.

سالي: مقدرتش أسكت وده أقل واجب يتعمل مع الأشكال دي.. هي مش وقفت قصادي تستحمل بقه..



(يرن فجأة هاتف سالي تنتظر إليه لتجد المتصل هي
داليا تغلق الصوت ولا ترد عليها ثم تنتظر إلى محسن
وتستكمل حديثها بثقة وكبرياء قائلة): نسيت أقول لك..
أصل أنا اللي يرشني بالميا أرشه بالدم..
محسن: إنتي مستبدة (تبتسم له سالي وتثيره بثقتها
ودلالها وهو أمام عينيها ينهار).

يجلس الأستاذ محمود بمكتبه داخل القناة يقف في فزع
وصدمة وهو يتحدث إلى هاتفه المحمول قائلاً:
محمود: لا إله إلا الله.. إزاي ده حصل؟ وهو في
مستشفى إيه دلوقتي؟

داخل طريقة مستشفى خاص تجري داليا في توتر
تبحث عن آدم ثم تجد رامي أمامها تنتظر إليه في توتر
وقلق..

داليا: ايه اللي حصل؟

رامي: عمل حادثة ع الدائري والعربية انقلبت بيه..

داليا: يا نهار أسود!

رامي: متقلقيش.. صدقيني الدكتور طمني وقال لي
كسور بسيطة يعني جت سليمة نحمد ربنا.

داليا: وهو فين دلوقتي عايزة أشوفه.

رامي: بيعملوله شوية إشاعات على المخ علشان
يتأكدوا إن مفيش ارتجاج.

داليا: هو ايه اللي بيحصلنا ده يا ربي.. (تمسك داليا
هاتفها المحمول في حزن وتوتر تحاول الاتصال ثم تتحدث
مع نفسها في غضب وتوتر قائلة): ردي بقه يا سالي ردي.



يقف سائق سيارة محسن البنا أمام عمارة سالي ثم
ينظر محسن إلى سالي التي تجلس بجواره في الخلف داخل
السيارة قائلاً:

محسن البنا: متنشيش بكرة الساعة عشرة الصبح..
هتلاقيني هنا مستتيكي.

سالي: حد برضه ينسى بكره بالذات.

محسن: بكره بعد إعلان النتيجة هتكوني سيادة النائبة
يا صاحبة السيادة.

سالي: هاهاهاها.. ايه ده مين قال لك على الاسم ده؟
إنت عرفت منين إني بحبه؟ مممم شكلك دعبت في الفيس
بتاعي كتير يا محسن بيه.

محسن: أنا عرفتك وفهمتك من أول نظرة (يرن
هاتف سالي مرة أخرى تنتظر إليه وتجد داليا المتصلة ثم

تغلق صوته مرة أخرى ثم ينظر إليها محسن بإعجاب
قائلاً: اللي بيتصل ده شكله كده مستقصدني أنا.

سالي: هاهاهاها.. لا أبداً دي داليا صحبتي هطلع
أكلها فوق ياللا بقه نتقابل بكره.. (تفتح سالي باب السيارة
ثم يمسك محسن يدها ويستوقفها وينظر إليها بابتسامة
إعجاب ويقبل يدها قائلاً): تصبحي على خير يا صاحبة
السيادة.

يجلس طارق شومان في مكتبه يتحدث في هاتفه
المحمول في سعادة وثقة.

طارق شومان: هاهاهاها.. طول عمره لعيب..
وبعدين ماننت عارف محسن يا أدهم بيه مبيعرفش ينام غير
وهو متظمن.. إيوه وإنت كمان اتظمن هبعثلك صور
عربيته بعد ما خد الشر وراح.



تجري سالي في طرقات المستشفى وهي منمهرة في
بكائها بحزن وصدمة وألم تسير إلى أن تجد داليا أمامها ثم
تنظر إليها وهي تبكي.

سالي: آدم فين؟

داليا: نام بعد ما أخذ شوية مسكنات مكانش قادر
يتحمل الألم.. بس كان مستنيكي يا سالي..

(تبكي سالي بحرقة وتدخل غرفة آدم في المستشفى
وخلفها داليا.. تنتظر سالي إليه من بعيد وهي تبكي حينما
تجد بعضاً من أجزاء جسمه مربوطاً بالجبيرة ثم تتجه نحوه
في هدوء وهو نائم تلمس يده وتمسكها وتقبله فتنظر إليها
داليا وتطبطب عليها وهي تبكي معها في حزن ثم تنظر
إليها سالي وهي تبكي بانكسار).

صباحًا في سرادق مؤتمر شعبي بمحافظة المنيا يجلس أبناء وسيدات المحافظة وسط أصوات الزغاريط والفرحة مع صوت ضرب النار في أجواء احتفال شعبي.. تجلس سالي في منتصف المنصة بجوارها طارق شومان ومحسن البنا ثم تقف سالي بفرحة وثقة تتحدث في الميكروفون أمام الجميع.

سالي: شكرًا لأهلي وناسي النهاردة أنا نجحت بيكم وليكم.. وبوعدكم إني هكون قد ثقة كل واحد اختارني واداني صوته.. علشان أكون نائبتكم (يهتف رجل من أبناء المحافظة يهتف بصوت عالٍ قائلاً): كلنا سالي الحلواني (يهتف خلفه الجميع قائلون): كلنا سالي الحلواني..

(تبتسم سالي لهم في فرحة وثقة ثم ينظر إليها محسن بجوارها في إعجاب وانتصار وتلفتت سالي له بانتباه فهي توتر وقلق بعض الشيء ولكن دون أن يلاحظها أحد).



تفتح داليا باب غرفة المستشفى تنتظر إلى آدم ورامي
أمامه ثم تبسم لآدم وهو مستيقظ نائم على السرير.

داليا: حمد لله على السلامة.

آدم: سالي فين؟

داليا: والله فضلت قاعدة طول الليل جنبك وإنت نايم..
ممشيتش غير الساعة تسعة الصبح سافرت المنيا علشان
تعرف النتيجة..

آدم: وعملت ايه؟

داليا: مبروك.. سالي أخذت أعلى أصوات في الدائرة
وقالت لي لما تخلص المؤتمر هتيجي على هنا.

رامي: ومحدث قالها إن محسن البنا هو السبب في
اللي حصل لآدم؟

داليا: ايه لازمته الكلام ده دلوقتي؟

رامي: لازمته إنك صحبتها والمفروض إنك تخافي عليها.. مش كفايه إنهم كانوا عايزين يموتوا آدم.. إيه؟ مستغنية عنها هي كمان؟

داليا: على فكرة أنا قولت لها..

رامي: وطبعًا مصدقتش.. ونزلت تجري تظمن على الكرسي اللي اشتراهاولها محسن البنا عشان يداري على فضايحه هو وأدهم مدكور.

داليا: من فضلك كفاية كده.. وبعدين هي زمانها جاية على فكره تقدر تقول اللي إنت عايزة قدامها.. لأن الحقيقة أي كلام في غيابها ملوش لازمة.. أنا نازلة يا آدم رايحة القناة هخلص حاجه وارجع علطول سلام..

(تخرج داليا من الغرفة ثم ينظر رامي إلى آدم بغضب وضيق وينظر إليه آدم بصوت خافت قائلاً): اهدى شوية على سالي يا رامي.. صدقتي داليا عندها حق.. لو عرفت سالي كويس عمرك ما هتقول عليها كلمة وحشة.



رامي: أنا مقولنش.. (يقاطعه آدم قائلاً): مفيش داعي
لأي كلام دلوقتي أنا تعبان ومحتاج ارتاح..

رامي: ماشي يا آدم على العموم لما تقوم بالسلامة
أعتقد احنا هيبقى لينا كلام تاني.. سلام (يخرج رامي في
غضب ثم ينظر إليه آدم بضيق وحزن وحيرة).

يجلس أحمد أمام منى هلال داخل قسم الشرطة ثم
تبكي منى هلال بخوف وتوتر.

منى: مش عارفة بيقولولي متهمة بالانضمام لجماعة
إرهابية والتحريض على التجمهر والإخلال بالنظام العام..
علشان الحاجات اللي بنشرها على الفيس بوك اللي هي
أصلاً كلها مقالاتي أنا مبنزلش غيرها؟

أحمد: اهدي بس.. متقلقيش كلنا معاكى ومش هنسيبك
أنا هقلب الدنيا علشان أخرجك من هنا.

منى: أحمد.. اسمعني كويس عشان مفيش وقت..
لو عايزني أخرج من هنا.. لازم تروح لآدم الراوي
وتحكيه على قضية قتل هدى منير وتقول له الحقيقة
كلها.. وإنت لازم تعرف كمان إن سالي الحلواني هي اللي
جابتني هنا.. أنا سمعت الطابط وهو بيكلمها في التليفون
وبيطمئنها إنه خلاص.. عمل معايا اللازم (يمسكها أمين
القسم وينظر إليها بصوت غليظ قائلاً): ياللا إنتي وهو
كفاية كده..

منى: حاضر ثواني بس.. أحمد لازم تعمل اللي
قولتك عليه النهاردة قبل بكرة.

أحمد: حاضر حاضر متقلقش إنتي بس.. (ثم ينظر
إليها أحمد بحزن وضيق وهو يتابعها وهي ترحل من أمامه
مع أمين الشرطة).



تجلس سالي بجوار محسن البنا في سيارته من
الخلف بعد رجوعهما من المؤتمر ينظر إليها محسن
بخبث وحنية.

محسن البنا: يعنى يرضيكي الناس كلها تبقى هناك
مستياكي علشان تحتفل بيكي وإنتي تقولي مش جاية! ده
طارق شومان يزعل قوي إنتي عايزاه يقول علينا بعد ما
خدت الكرسي رمت الحزب واللا ايه؟

(تتظر إليه سالي بتوتر وضيق وتبتسم بزيغ قائلة):
لا طبعاً مقدرش.. بس أنا في واحد قريبي في المستشفى
عمل حادثة كبيرة امبارح.. ولازم اروحله.

محسن البنا: توتوتو.. ألف ألف سلامة.. هو مين ده
وف مستشفى ايه؟ احنا لازم نقف معاكي.

سالي: لا مفيش داعي.. ده ابن خالتي.. متشغلش بالك
إنت المهم هبقى أكلمك في التليفون.

محسن: طيب يا سالي على العموم لو احتاجتي أي حاجة مني هتلاقيني تحت رجلك.. إنتي بس تؤمري وأنا اللي عليّا أنفذ.

داخل غرفة آدم في المستشفى يجلس ظابط الشرطة
وبجواره كاتب المحضر وتقف داليا وسالي أمامهم فينتبه
الضابط إلى آدم وينظر إليه في ترقب قائلاً:

الضابط: بتتهم مين يا أستاذ آدم في محاولة قتلك؟
(ينظر آدم إلى سالي أمامه في حزن وحيرة وتفكير
ورومانسية وتتنظر إليه سالي في ترقب وخجل وانتظار
وقلق ثم ينظر آدم إلى الضابط بهدوء قائلاً): مبتهمش حد
يا فندم.

الضابط: إنت مش قولت إن الجيب اللي كانت وراك
فضلت تطاردك لحد ما صدمتك واتقلبت بيك العربية..
تفتكر مين اللي ورا الحادث؟



آدم: مش عارف..

الظابط: طيب مواصفات العربية ايه غير نوعها
ولونها يعني محاولتش تشوف رقمها أو أى حرف منها ما
دام اللي كان سايقها كان ملثم.

آدم: الطريق كان ضلمه وبصراحة من كتر التوتر أنا
ماجاش في بالي غير إني أجري بالعربية وأحاول أهرب
(يقف الظابط والمحضر الكاتب معاً ثم ينظر الظابط إلى آدم
قائلاً): مميم طيب احنا إن شاء الله هنسيب المحضر
مفتوح لحد ما تخرج بالسلامة نكون خلصنا باقي التحقيقات
والتحريات.. سلام عليكم..

آدم: وعليكم السلام يافندم.

داليا: إنت مقولتلوش ليه إنك بتشك في محسن البنا
وأدهم مدكور.. (ينظر آدم إلى سالي في ترقب ثم يرد على
داليا قائلاً): خلاص يا داليا مبقاش ينفع..

سالي: آدم أنا عارفة إنك ممكن متصدقنيش.. بس والله العظيم محسن البنا ميعرفش حاجة عن أدهم مدكور دلوقتي وكل اللي قالهولك رامي ده كانت مصالح بينهم زمان وانتتهت.. وبعدين ازاي محسن هيعمل فيك كده؟ ده كان معايا ومفيش أي دليل يقول إن هو السبب في كده.

داليا: لا يا سالي.. إنتي اللي متعرفيش حاجة.. فكري وفتّحي عنيكى وإنتي هتفهمي وتشوفي الحقيقة اللي غايبة عنك.. محسن وأدهم وطارق شومان هم الناس الوحيدة اللي ليهم مصلحة إن آدم ميطلعش الحلقة الجاية.. عشان ميفضحهمش بالفيديوهات والصور اللي كنا هنعرضها في البرنامج ع هوا قدام الرأي العام كله.. هما كانوا عايزين يقتلوه فعلاً.. عشان دول ناس ايديها متلطخة بالدم والخيانة والغدر والخسة.. افهمي بقه (تتظر سالي إليهما في حيرة وحزن وصمت).



يجلس محسن البنا على مكتب رئيس الحزب وأمامه
أدهم مدكور وطارق ثم يلتفت لهم أدهم وينظر في غضب.
أدهم: يعني بعد كل اللي احنا عملناه ده الواد يطلع
حي؟

طارق: اللي يشوف عربيته بعد الحادثة ميقولش إنه
طالع منها غير على تربته.. ده زي ما يكون انكتبله عمر
جديد عشان يطلعه علينا.
محسن: هاهاهاها.

أدهم: إنت بتضحك؟ والمصحف أنا ما خايف غير من
برود أعصابك يا أخي.

محسن: طب ما تتعلم مني وتهدي أعصابك شوية..
بصوا بقه إنتوا الاتنين واسمعوني كويس.. اللي يخاف من
النار ميلعبش بيها.. واحنا بنلعب بالنار من زمان قوي من
أيام الحاوي الكبير.. أما شوية العيال اللي في السيرك

دلوقتي دول.. زي رامي وآدم الراوي.. دول لا مؤاخذه
عيال سيس وعيب علينا لما نخاف منهم.. الموضوع عندي
وهيخلص يعني هيخلص.. وكل الدوشه اللي هما عاملينها
في الفضائيات دي.. هوبيااااااااااا عملية واحدة في سينا
هتמותها.. فهمتوا واللا أقول تاني.

داخل غرفة آدم في المستشفى تقف سالي في دهشة
وحزن تنتظر إلى أحمد الصحفي أمامها، وداليا وآدم ينتبهان
لرد فعلها وصدمتها ثم يتحدث أحمد بهدوء لسالي.

أحمد: أنا آسف على كل اللي سمعته مني يا سيادة
النائبة.. بس ده واجبي ودوري إنني أوضحك لك الحقيقة
حتى لو مش عايزة تصدقها.. وأعتقد إن اللي حصل لأستاذ
آدم بعد اللي قولته.. أكبر دليل على صحة كلام مني
هلال.. اللي حضرتك أمرتي بحبسها ظلم.. علشان تاخدي
تارك منها بمجرد إنك حسيتي إنها بشوية صور ممكن



تأذيكي.. وسيبتي المتهم الرئيسي في أذية كل الخلق
والمجرم والقاتل الحقيقي.. للمرة الثانية بقول لك أنا آسف يا
سيادة النائبة (يخرج أحمد من باب غرفة المستشفى ثم تتجه
داليا ناحية سالي وتطبطب على كتفها ثم تنظر إليهما سالي
في حيرة وحزن وهدوء وصمت وتتجه هي أيضاً ناحية باب
الغرفة ثم تنظر إلى آدم بحزن وصمت ونظرة وداع
وتخرج خارج الغرفة.. ثم تتجه داليا مسرعة خلفها تناديهما
قائلة): سالي.

تخرج سالي الحلواني من باب مجلس النواب وهي
ترتدي الملابس الرسمية في ثقة بمفردها ثم تنزل سالام
المجلس ببطء وهي تبتسم وتتأمل حولها في ثقة وغرور
وتحد ثم تخرج من الباب وتركب سيارة محسن البنا التي
تنتظرها في الخارج والتي تحمل لوحة معدنية "ب ن أ

١٢٣" .. ثم تجلس بجوار محسن وتتنظر إليه بابتسامة ثقة وهو يمسك يدها ويقبلها برومانسية ولهفة وإعجاب.

يجلس آدم الراوي في الاستديو وتتحرك باتجاهه داليا تتحدث معه وتجري خلف كاميرا التصوير لتبدأ تصوير حلقاته ثم ينظر آدم إلى الشاشة بحزن داخلي غير واضح يحاول أن يبتسم وهو يتحدث ويقدم فقرته بثقة.. فتتنظر إليه داليا من بعيد بابتسامة فخر وهي تسرح بخيالها بحزن بسيط ثم تفيق لحظة وتصفق له بعد انتهاء فقرته ويدخل عليهم فجأة أستاذ محمود يصفق له بحرارة.

في غرفة الصحفيين تجتمع الفتيات والشباب على شاشة جهاز الكمبيوتر يتوسطهم أحمد ينظرون على مانشيتات لعدة مواقع صحفية مكتوبة بالصور "سالي



الهلواني اكتساح شعبي وعاطفي في ليلة واحدة.."سالي
الهلواني ومحسن البنا يعلنان خطبتهما الخميس القادم..
"هذى منير وسالي الهلواني نائبان ورجل.." "قصة حب
جديده بين النائبة والسياسي".

تجلس سالي على سفرة العشاء داخل فيلته الخاصة
بمفردها أمام محسن البنا على ضوء الشموع، وترتدي سالي
فستاناً أنيقاً جذاباً قصيراً ويرتدي محسن بدلة أنيقة أمامها
ويشرب النبيذ الأحمر وينظر إليها بإعجاب.

محسن: أخيراً بقينا لوحدهنا.. مفيش صحافة ولا
كاميرات ولا شوشره.. (تبتسم له سالي بثقة ودلع قائلة):
شششش.. خلي بالك ببيجوا ع السيرة..

(يتحرك محسن من السفرة بهدوء ويقف أمامها
ويمسك يدها برومانسية لتقف معه ويتراقص معها رقصة

هادئة وهو ينظر إلى عينيها بحب ورغبة ثم يقبل يدها
بهدهوء قائلاً: بحبك يا سيادة النائبة.

سالي: وأنا سيبت الدنيا كلها علشان ابقى ليك
وملكك.. أنا أهو.. سالي الحلواني كتاب مفتوح قدامك تقدر
تكتب فيه اللي إنت عايزة.. بس مش هخليك تبدأ ف ولا
سطر.. غير لما اقرا كتابك كله الأول.

محسن: عايزة تعرفي ايه؟

سالي: ليه قتلت هدى منير؟ (يقف محسن بدهشة
وصدمة وتوتر عن الرقص لحظة قائلاً): ايه يا سالي
السؤال ده؟

سالي: ده مش سؤال يا حبيبي.. ده استفسار خصوصاً
إني عارفة كل حاجة بالتفاصيل من زماان.. من أيام ما
خلتني أمسك القضية وجبت قصادي أدهم مدكور.



محسن: مين اللي قال لك الكلام ده؟ (تلمس سالي وجهه برومانسية وتحسس على خده وتقرب منه كأنها تريد أن تقبله بشفاهها بهدوء قائلة): توتوتوتو.. هو إنت ناسي إن أنا محامية شاطرة.. إنت بتشك في ذكائي واللا ايه؟

محسن: إنتي عايزة ايه؟

سالي: أنا مش عايزة حاجة.. وبعدين مالك يا محسن في ايه؟ اوعى تكون شاكك فيا واللا حاسس إني ممكن أبلغ عنك.. احنا بقينا شركا دلوقتي ومصلحتنا واحدة.. ومش بس كده ده إنت اللي خلتنني أبقى سيادة النائية وكلها أيام وهنتجوز.. يعني احنا الاتنين سرنا واحد.. وأنا عايزة أعرف كل حاجة.. (يمسكها محسن برغبة وينظر إليها وهو في حالة سكر وإثارة قائلاً): الحاجة الوحيدة اللي لازم تعرفيها إني.. (يقبلها محسن بعنف ثم تبتعد سالي عنه في توتر وتتماسك ثم تبتسم له قائلة): ايه ده؟ هو ده اللي اتفقنا عليه؟

محسن: سالي أنا بعشقك.. ولو حسيت في يوم من الأيام إنك ممكن تغدري بيا وتسيبيني أنا... (تقاطععه سالي مسرعة وهي تبتسم بدلع قائلة): ايه هتقتلني زي هدى مراتك؟

محسن: أنا مقتلتش هدى عشان بحبها.. أنا قتلتها عشان حاجة تانية خالص.

سالي: ايه هي؟

محسن: كانت غبية حبت تفتح ملفات مش قدها.. كانت عايزة تفضحني لما عرفت إنني اتفقت على صفقة سلاح أنا وطارق لما كنا في تركيا مع جماعة أدهم مدكور.. عملت فيها النائبة الشريفة ووقفت ضد ناس مبتتكلمش غير بالرصاص لحد ما اتفقوا كلهم عليها وأنا أولهم.



سالي: يعني جمال شوقي الإرهابي اللي أنا جبنته
إعدام وحركت الرأي العام ضده.. إنت اللي حرصته يقتلها؟
(يأخذ محسن كأس الوالين ويشرب في برود وهدوء وهو
سكران ويفكر قائلاً): قصدك عم جمال؟ (يتذكر محسن البنا
مشهداً لعم جمال أمامه هو وأدهم مذكور وطارق شومان في
مكتبه يتوسل إليهم وإلى أدهم بالأخص والآخر يشير له
بالطرد).

صوت محسن: الله يمسيه بالخير كان سواق حرامي
عند أدهم مذكور يوم ما طرده صعب عليا.. ساعتها عرفت
إن عنده بنات هيموت ويجهزهم ومحتاج قرشين عشان
يفرح بيهم.. أقنعت أدهم إننا نديهمله بس بشرط فرح بناته
قصاد دفنة هدى.

سالي: وبعدين؟ (يتذكر محسن ويرى أمامه مشهداً لعم
جمال وهو يسلم على المعازيم بفرحة في فرح بناته
العرايس الثلاثة في الفلاحين في صوان كبير).

صوت محسن: رفع راسه قدام عيلته كلها وعمل فرح بناته الثلاثه في يوم واحد بقت البلد كلها بتحكي وتتحاكى عنه.. وبعد ما اتطمئن عليهم.. جه وقت تنفيذ الاتفاق (يتذكر ويرى محسن مشهدًا لعم جمال وهو يقف أمام موتوسيكل دليفري يرتدي جلبابًا أبيض ويضبط دقنه بيده ثم ينظر إلى الصندوق ويفتحه ويمسك مسدسًا صغيرًا يتأمله ويترقب من حوله).

صوت محسن: ركبنا له دقن عيرة كانت هتتطق عليه.. وجيبناله سلاح من الجماعة الحبايب وحددنا له اليوم بالدقيقة والثانية.. (يتذكر ويرى محسن مشهدًا لفيلته فيلا محسن البنا حيث تخرج منها النائبة هدى منير زوجته وتتحرك باتجاه سيارتها لتركبها).

صوت محسن: كانت هدى عندها جلسة في المجلس نزلت يومها في ميعادها بالضبط.. (يتذكر ويرى مشهدًا يأتي فيه عم جمال بالموتوسيكل مسرعًا ويقف أمام هدى منير).



صوت محسن: وعم جمال كمان وصل في نفس التوقيت (ثم يستكمل تذكره للمشهد حينما يقف عم جمال من بعيد يقوم بالتتشين على صدرها ويطلق عليها الرصاص).

صوت محسن: عم جمال ساعتها الله يكرمه نشانه رشق.. هي طلقة واحدة وقعت مقامتش (تتظر إليه سالي بخبث وصدمة وتوعد ثم يدخل فجأة عليهم رجال الشرطة بسرعة يتجهون ناحية محسن البنا في لحظة صادمة ومفاجأة للقبض عليه ويصرخ أحد الضباط): محدش يتحرك من مكانه..

محسن: ايه ده؟

الضابط: اتفضل معانا يا محسن بيه.. (ينظر محسن البنا في فزع وصدمة وغضب وحوله رجال الشرطة يقيدونه بالأساور ثم تتظر إليه سالي في هدوء وترقب وانتقام وتحد ثم ينظر إليها محسن في غضب توعد قائلاً):

كنت عارف إن نهايتي على ايديكي.. بس اللي بينا لسه مخلصش.

الظابط: هيخلص عندنا يا محسن بيه.. هاتووه.

محسن: هاتوه. أوعى إنت وهو.. إنت مش عارف يا حضرة الظابط إنت جاي تقبض على مين؟ أنا..

(يقاطعه الظابط بغضب قائلاً): لأ عارفين كل حاجة واللي إنت متعرفوش كمان عن نفسك هتلاقيه عندنا يا محسن بيه اتفضل معانا..

(تتظر إليه سالي في ترقب وبابتسامة انتصار وثقة وهم يأخذونه إلى خارج الفيلا).

تدخل قوات الشرطة على مكتب رئيس الحزب طارق شومان وهو يتوسط أعضاء الحزب على طاولة الاجتماعات



يتم القبض عليه في وسط خوف وصدمة الأعضاء داخل
الحزب.. وينظر إليهم طارق بصدمة وغضب.

في غرفة نوم أدهم مذكور يفتح رجال الشرطة باب
الغرفة عليه وهو في أحضان امرأة شقراء يتجهون نحوه
لحظة القبض عليه وسط صراخ المرأة التي تقف من
السريير بجواره شبه عارية تحاول أن تداري جسدها الفتان
بغطاء السريير الستان الناعم.. ثم ينظر إليهم أدهم في
غضب وتوعد.

يجلس أحمد ومنى أمام آدم الراوي في أحد الكافيهات
العامة ثم ينظر أحمد إلى آدم.

أحمد: سالي الحلواني يا أستاذ آدم.. مكنتش بالنسبالي
نموذج للمرأة الناجحة بس.. لأ.. أنا كنت مؤمن بيها

وعارف إنها مختلفة باحترامها وذكائها عن ناس كثير.. وده
يمكن السبب الوحيد في خلافي مع منى (ثم ينظر أحمد بثقة
إلى منى بجواره وهو يبتسم لها قائلاً): وأعتقد إنها دلوقتي
اتأكدت إن أنا كنت صح.. المهم يا أستاذ آدم أنا يوم ما
مشيت من عند حضرتك في المستشفى سالي الحلواني
جريت ورايا طلبت منى إنها تقعد نتكلم لوحدها.. اتفقنا على
معاد وروحناها المكتب.. طلبت منى أنشر على المواقع
والسوشيال ميديا أخبار عنها وعن علاقتها بمحسن البنا..
لدرجة إنها كتبتلي كل العناوين اللي أنزل بيها.. ساعتها
استغربتها وسألتها هو حضرتك متأكدة من اللي بتطلبه منى
ده؟ إنتي كده بتأذي نفسك؟ ردت عليا وقالتلي.. "مش قد
الأذى اللي أنا سببته لأقرب الناس ليا.. أحمد منى هتطلع
النهاردة وزى ما اتفقنا متعرفش أي حاجة عن اللي احنا
بنعمله دلوقتي".. قولتها طيب وحضرتك هتعملي ايه مع
محسن وأدهم وطارق.. مثلث الدم ضحكت وقالت: "قريب



قوي هتسمع أخبار حلوة وساعتها مثلث الدم يبقى عنوان
مقالك الجديد" .. (تتظر منى إلى آدم الراوي تترقبه وهو
يستمع إلى أحمد ثم ينظر آدم إليهما ويبتسم لأحمد قائلاً):
وكتبت المقال واللا لسه؟

أحمد: لا.. أنا ناوي أكتب مقال ثاني خالص عن
حضرتك وسيادة النائية.

آدم: وهتسميه ايه بقه؟

أحمد: اتنين في واحد.. (يبتسم الجميع ويضحكون في
وقت واحد).

في بهو أحد الفنادق الكبرى تخرج سالي عروسة
جميلة بالفيستان الأبيض وبجوارها عريسها آدم وسط
حشود المعازيم خلفهما.. وفي الصفوف الأمامية داليا
ووالدتها وأحمد ومنى ورامي وهيب وأستاذ محمود في

حالة من الفرحة والسعادة.. ينظر آدم إلى سالي بابتسامة حب ورومانسية يودعان المعازيم بأيديهما ثم تتحرك السيارة الخاصة بهما التي تتزين هي الأخرى كالعروس تقف أمامهم.. يفتح آدم باب السيارة لتدخل سالي وهو يبتسم لها وفجأة.. تأتي دراجة بخارية بسرعة كبيرة تقف لحظة أمامهم ثم تطلق رصاصة حية في صدر سالي الحلواني تقع بعدها سريعاً على الأرض وسط صراخ المعازيم وهرولتهم.. ثم يسقط آدم على الأرض وهو يحتضنها بين ذراعيه وفي حضنه ينظر إليها في حب وتدمع عيناه وتنهمر بسرعة على وجهها الشاحب في وداعها الأخير.. ثم تنظر إليه سالي وتلمس وجهه بابتسامة وداع وهي تلتقط أنفاسها ثم تلفظ النفس الأخير في أحضان آدم فينظر إليها ويأخذها بين يديه بشدة يكسر ضلوعها من شدة أحضانه بعد أن تصبح جثة بلا روح.. تنظر داليا إلى



صديقتها سالي في لحظة انهيار وبكاء وعويل وبجوارها
المعازيم في صدمة وحزن في مشهد أليم حزين..

وفي النهاية حينما تقرأ عزيزي القارئ هذه السطور
الأخيرة في الرواية أرجو أن تسمعها بصوت سالي الحلواني
صاحبة السيادة.. مش كل الأحلام بتكون جميلة.. أنا يوم ما
حلمت إنني أكون صاحبة السيادة.. مكنتش عارفة إنه
كابوس.

(تمت)